



明詩紀事

庚籤

唐文獻一首

文獻字元徵松江華亭人萬厯丙戌第一人及第授

修撰歷中允諭德庶子少詹事禮部侍郎掌翰林院

事贈禮部尚書諡文恪有占星堂集十六卷

王文肅文集元徵詩如襄陽輞川筆法端楷卽家報
皆蠅頭細書語語可訓

擬青青園中葵

青青園中葵綠萼映朱蕤豈不盛繁華但恨秋風欺黃河向
東注白日駛西馳逝川與流光飄忽不可追勉哉青陽子努

庚籤卷十五

力須及時

劉黃裳 九首

黃裳字玄子光州人知府繪子萬厯丙戌進士授刑

部主事遷兵部員外進郎中有藏徵館集十六卷

張佳胤居來山房集玄子文詞汪洋譎麗
列朝詩集玄子博學多聞其詩才氣橫溢苦無裁製

亦重廣之餘波也
田按玄子古詩奇骨偉岸但多鬱轡未宣七律特有
俊調玄子贈弇州詩稱太倉王夫子厯下李先生備
極推挹故元美引之四十子之列

寓懷

仰見秋空月照此芙蓉池紅芳本自淨水光迸華滋露下不
聞響羅衣潤始知暗自氣化變物生順四時

塞上曲



幽并健兒北擊胡結束羊裘效骨都冑插銀貂馳代馬鞞盤
銅虎控遼弧塞鴻列陣斷燕歌草碧龍堆放駱駝黃雲戍卒
朝乘障白馬將軍夜渡河共推人馬爭挑戰無奈天驕力請
和嫖姚旗指真顏山單于質子受降還黃河水冷沈秦月青
海雲深護漢關漢關秦月自年年雷轟電掣樹燕然天子龍
顏欣曜景將軍燕頤畫凌煙

劉伶墓歌

古來劉生多好俠酒酣便恣掀長鬣沛中亭長運卯金閉戶
先生只書篋我馬嘗黃走下蔡海風吹天墮塵外丈夫三十
不封侯苦酒堪將洗心肺木落淮南見水汀伯倫墳草隱山
屏有酒可澆墳上土我聞參軍腸已腐黃昏客去淮水川寺
前寺後飛冷煙此中若憶靈魂住地底應須有酒泉

庚籤卷十五

二

八僊圖歌爲何郎題

蹢躅雲外侶八公集此堂拍肩接手弄海日龍情鶴態皆昂
藏九月霜花淨海島一鳥東來報瑤草霞裏吹笙行玉童巨
鰲驚走三山倒何郎本是淮海仙河上著書年幾千朱顏不
服寒石散常坐青山吸紫煙閒來爲賭金胎藥日與仙人臺
上博有時青天跨白龍萬里春風共寥廓嵩岳蒼蒼起翠峯
遠連秋水照芙蓉金機玉訣倚桂樹飛天靈劍斫長松各向
湖中醉萬春僊僊起舞妙通神何郎風骨亦放縱混入仙班
作九人

出京

西山三百寺深負碧雲峯馬上惟看雪巖邊祇憶私還慙遊
鳥去空羨野僧逢如有妙緣在乘時一往從

寄江陰張醕卿

抗手離羣日相看淚滿巾燕臺饒凍雪古寺足緇塵江草帆
千里山蘿夢兩春應知借計近又共謁楓宸

秋懷

玄都殿在西城北虹渚星湖萬歲峯實笑秦祠徵寶雉還輕
漢時見黃龍金盃露碗收神水玉帶風符護禁松一自玄元
歸碧落瑤壇寂寂下宵鐘

登大報恩寺塔

翠甌琉璃瑣上方御碑寶契自文皇赤烏舊有長千里白象

庚籤卷十五

三

新開選佛場下瞰山光來竹檻遠移江色入松房煙波極目
愁無藉嘯倚香臺望洛陽

金碧臺讌集呈楊太史用修

盧橋芙蓉路欲迷高臺疊石倚丹梯漢家瑞氣迎金馬蜀客
僊才察碧雞萬里雲還連越嶠千年山自枕巴西詞人況遇
驅今古此日登臨酒正攜

送劉中丞遊峨眉

爲訪兜羅最上層三峯遙已屬中丞危旌知犯經年雪孤策
應尋出世僧天近飛雲沈絕澗江深片月挂枯藤共言銀界
通西域得見寒光卽智燈

安希范二首

希范字小范無錫人萬歷丙戌進士授行人遷禮部
主事改南吏部以言事斥爲民天啟初贈光祿寺少
卿有 **天全堂集** 四卷

田按小范以疏論輔臣王錫爵挾私植黨仇視正人
落職歸時論臆之所居膠山之麓喬木千霄碧流千
頃出則乘畫舫列綺窗十二圖陶元亮張季鷹蘇端
明米南宮諸賢其上爲五湖煙水件遊屐多在天目
赤城太湖七十二峯間晚卜居湖州之箬山又卜界
中之桐城鳴茶香筍苗時攜鑄鼎就之家居三十年
謝絕朝問及光宗以李可灼進紅丸升遐首輔方從
哲護之小范作詩志痛云受遺元老仍增秩進藥鴻
臚也賜金時稱詩史云

龍井訪友元王隱君次屠緯真韻

挾策躡青蒼空山罕人迹藤蘿挂懸瀑古今壓危石仰望空
翠中靄靄孤雲白山阿覲以深幽人此棲息松隙闢甕牖湖

光蕩虛壁清言互酬應嵐氣忽云夕

庚籤卷十五

四

朱君采侍御青蓮居

夙聞茗雲間山水多清遠詎意闌闌側蓬瀛忽在眼偶乘一
葉舟沿洄恣遊行輕颺偃菰蘆微波蕩菱芰叢篁雜灌木森
蔚屢回轉中有伊人居列戶抗遙巘堂宇據勝開樓榭隨意
建高閣俯喬林羣峯厯可辨憑欄耳目曠隱几縹緗展時報
黃鶴駕閒誦青華簡客至輒披襟參微語尤雋余茲將卜鄰
栖託計非舛

寄題五鹿先生五鹿山房

選地開三徑爲園過一邱山川通晉國臺榭俯漳流地學辛
夷陽花藏杜若洲江湖懷魏闕未許老菟裘

袁黃

二首

田按此題張平仲五鹿山房圖也平仲名銓大名入圖凡六十華菴沈石天爲勝今藏余齋

黃字坤儀嘉善人萬歷丙戌進士除寶坻知縣遷兵

部主事有兩行堂集

亦敬藝圃偷談嚴滄浪借禪喻詩近時袁坤儀卽禪爲詩坤儀之說可矯浮靡之偏失詩人葩藻之意

爛溪夜泊

載酒攜琴訪翠微前邨燈火對漁磯孤舟自傍蘆花宿老鶴
應疑道士歸明月滿前春樹冷好山猶在主人非百年心事
同流水半夜聞雞淚滿衣

林居

簾捲東風日未斜松蹊竹徑野人家空庭寂寞無人到閒看

庚籤卷十五

五

黃鸝啄杏花

王嘉謨

一首

嘉謨字伯俞直隸豹韜衛人萬歷丙戌進士除行人

遷禮科給事中累官布政使有薊邱集

靜志居詩話伯俞五言精熟選理

海淀偶題

燕市黃塵影無人驚日斜半程西郭地一水隔山家荒竹抽
高筍野桃報晚花丹青多殿閣只此似京華

吳應賓

一首

應賓字客卿桐城人萬歷丙戌進士改庶吉士授編
修天啟初以理學召不赴加左春坊右諭德兼侍讀

門人私諡宗一先生有學易齋集

李公麟

居士龍眠圖丹青妙天下有時寂住峯側耳浮山話誰云履
半穿天遊卧清暇

王一鳴

二首

一鳴字子聲黃岡人萬厯丙戌進士除太湖知縣改

臨漳有朱陵洞稿

田按子聲稚欽從孫湯義仍贈詩云為憶先朝王夢
澤鳥衣殊不羨江東子聲負才不得志卒義仍有先
寒食一日同張了心哭王太湖詩云張衡愁處起離
情不見黃州王子聲絮酒隻雞千載事楚天明日是
清明

便民倉是縣漕米入江處時方憂旱

庚籤卷十五

六

修竹迴斜徑高蟬噪夕陽數行遷客淚一灑便民倉剝肉知
何補勞心或自傷驕雷燔赤日念爾稼登場

十載

十載猶遷客孤蹤愧俗人長緘存後舌乍保爨餘身楚澤雲
千里春城月半輪潛天潛未得飄泊損天真

周獻臣

一首

獻臣字毅六臨川人萬厯丙戌進士除太康知縣改

許州學正入為國子博士遷南刑部主事謫福建布

政司檢校遷龍安推官有鸞林外編

發黃塘橋經西津渡

歸雲衝嶺半樓碧遠水浮天一村白何處山椒響暮猿天涯

賜斷未歸客

張文柱 一首

文柱字仲立崑山人士瀾子萬厯戊子舉人官臨清

知州有溟池集十六卷

玉筍詩談仲立入青溪社年最少詩清新俊逸
列朝詩集仲立年十二賦關山月詩云閨裏紅顏愁
少婦塵邊白骨怨征夫一座嗟賞孫齊之日仲立才
高煥發託意幽玄正如冰壺秋月本宜著煙霞外迺
強使適俗故少年卽有子建憂生之嗟

市隱園鷗波

聞道午橋莊中連谷水陽主人滄海意都與白鷗忘沙合寒
煙積磯深夜雨長江頭風浪惡常得聚迴塘

庚籤卷十五

七

賦詩一首

文柱字仲立崑山人士瀾子萬厯戊子舉人官臨清

賦詩一首

香 向來五嶺平流若溝遂十里下山人家在天際

陶望齡 五首

泉賦 望齡字周望會稽人萬歷己丑第三人及第授編修
一 鑿 歷中允諭德遷國子祭酒諡文簡有水天閣集十卷

歇庵集二十卷

黃汝亨萬林集周望詩為陶為柳間為長吉品置泉
石嘯吟煙雲超如也
列朝詩集萬歷中年次除王李結習以清新自持者
館閣中平信周望為眉目
靜志居詩話周望早年詩格清越超超似神仙中人
中歲講學逃禪兼感公安之論遂變去夫薨壁面目
白沙在泥與之俱黑良可惜也
田按公安楚咻始於伯修黃平信陶周望與伯修同
館聲氣翕合中耶稍晚出推波助瀾二人益降心從
之是時臺閣中惟于文定馮文敏雅能自持然才稍
不及黃陶世論惜之

庚籤卷十六

二一

紫閭 有序

泄之水百仞五之意是天上落也從響鐵嶺而登至
絕頂謂便當下乃忽見平疇長林桑竹葑騎溝塍組
織水皆安流審之即墮而為泄者地名紫閭民居頗
稠或至巨富四望緬然平遠亦更有羣峯環之上山
即富陽縣界由此言之安知今所謂大地者非處於
孤峯絕頂乎

一 瀑懸百仞五瀑方到地每緣嵐霧開翠想峯頭翠即此料
泉源應從白雲墜攀藤漸躋陟屢息始能詣誰謂孤峭中忽
有桃源事雞犬散村落竹木成位置連疇溪女桑卓午樵人
市向來五瀑布平流若溝遂十里方下山人家在天際

題水亭圖

有序

南京春官尙書宅在柳樹灣池館清迥余與繼源讀
書其中時嘗見此圖別後二十年始會於北都繼源
復出此求詠追記舊遊宛宛在目人事變徙悵然而
悲會予復告歸又二年丁酉始書此寄呈繼源於南
京崔顥題詩在上頭莫訝羞澁難出手也

昔年夢墮鍾山下古柳成衙歷官舍水檻臨池竹亞墻共君
杯酒燒燈夜君持此圖臨檻前水亭水檻都依然真景如攢
畫景闊折葦欹蓮一色天生綃尺五卷成束燼罷燈花觀不
足妙畫有精神慌忽吹燈走入圖中宿一別廿載逢燕都一
頂紗巾尙未除重爲披圖向燈下可惜圖在風景殊昔我兄
弟皆少小君纔有髭似寒草人言絹力苦不長墨色翻如昔
年好卻憶孤雲鎮東事妙手相遭偏得意亭館涼深墨瀋濃
畧寫清幽記殘醉我無手筆比孤雲難把煙光寄贈君柳樹
灣頭君憶取秋風好爲悵離羣

陳侍御西湖莊

名塲羨爾一身收墨詔新衙拜醉侯艇子舊裝蓮葉樣吳兒
殊有串珠喉輕輿軟逕花間馭晚翠朝煙水上樓我亦清狂
公記取十旬三度淨慈遊

東山

竹梢藤蔓冷僧扉門外蒼松忽減圍麝藥更誰悲遠志摘花
猶得訪薔薇落潮漁艇晚初閣上蒲風帆健欲飛絲管暮年

陶寫盡謝公何日復東歸

與季豹遊雲門

叢竹生鞭晚稻齊石橋重訪古時題谷雲未出俄成雨簷瓦
初鳴已漲溪日氣忽穿殘蜺斷亂山翻在夕陽西秦碑解讀
隨君讀苔磴從高不溼泥

黃輝十一首

輝字昭素一字平倩南充人萬歷己丑進士改庶吉
士授編修歷中允諭德庶子少詹事兼侍讀學士有

鐵菴集八十卷平倩逸稿三十六卷

袁中道珂雪齋集萬歷戊戌伯修中郎皆官吳門予
入太學平倩從劉來聚首最密中郎作詩力破時人
蹊徑多破膽險句伯修詩穩而清平倩詩奇而藻兩
人皆為中郎所轉稍稍失其故步

庚籤卷十六

四

松瘦集平倩大隱金門有超世之志人擬之蘇眉山
黃涪州兩學士
列朝詩集己丑同館者詩文推陶周望書畫推董玄
宰平倩之詩與書與之齊名其後與袁伯修中郎兄
弟研窮性相之宗所至遊覽山水尋訪禪衲雖居華
要有道人雲水之致
田按平倩詩爽雋絕倫借為公安習氣所染余擇其
近雅者存之不悅當時才子

石鼓歌

成均橋門列者石相傳周宣員獵迹蒨勃時時雲氣生倒確
依微破苔隙彷彿媧皇五色墮錯落星辰尚堪摘此時闕人
人遞喜昌黎先生好尤癖可憐光價絕鼎鐘霜草風沙無憐
惜元和到今復幾歲流落尤能脫日碣金繩斷鈕玉柯迸蟬
榻何繇見光澤孔子刪詩偶遺漏不緣片碣誰搜彙或疑成
後蒐岐陽椒舉之言具楚籍車攻即類宣王詩四牡東徂豈

西適周家菟苗世有事平岐鹹維定何擇大篆分明史籀手
詎楚卑卑其能役况復李斯七日歎弱骨今猶植碣嶧此書
穆滿當伯仲爭令支孽掩宗祏宇文偏陋復安取一笑豎儒
揣量窄甄豐奇字誰摹收六體粗堪證今昔位置何須爭甲
癸參差枉自疑君帛從教缺剝費摩挲古意居然存者碩顯
晦隨人亦有時一出雍涼幾爲客小雅終存王者氣夜夜精
光岌相射護持豈爲耽奇字想像中興在明辟方今太平無
一事風雅蕤蕤孰擴撫但令夢寐到成宣隻字猶堪動心魄
老生更訪吉日碑剔盡崑崙亦何益嗚呼石鼓歌成誰獻聞
槐市陰陰土花碧

田按明人咏石鼓詩大復而外此爲傑作

庚籤卷十六

五

咏史

吾憐東方生辟世金馬門滑耀時若詭委蛇體自眞猥以龍
變姿而偶郭舍人竊酒戲萬乘折簡調平津繆巧固無端諷
諫難悉聞壯哉割肉手何有瑤池春濯衣紫海遙長嘯流清
塵歲星去幾時青蠅遽來臻太息巫蠱冤何用千秋伸

滴水巖

晨雨洗秋碧千峯寒古苔雲盤小馬入河折大龍迴源水不
知處澗花相喚開茫茫塵劫事問取石林灰

白沙驛

山驛冷荒荒昏煙帶葉黃窗交蛛網月垣隙虎踞霜攜手同
人盡迴身獨夜長佳期惟有夢夢去轉蒼茫

西灑杜少陵祠

出峽是何意，栖巢仍戀枝。不應三畝券，買得古今祠。淺泊龍猶侮，孤鳴雀自悲。祇應離正近，屈宋有前期。

猗臺用米仲詔韻

出郭逢人少，投林駐馬偏。楊花騰野雪，竹葉擁溪泉。往事柴門月，餘春麥隴煙。故山差髣髴，昨夜夢嗁鶻。

永福菴待舍弟不至

已謝青門路，惟餘白社緣。澗聲秋樹雨，山色暮樓煙。劍閣嗁烏外，蘆溝落雁前。池塘空復夢，何日對床眠。

宿閬鄉時河南歲荒甚

周原秦塞兩蒼茫，徙倚桃林正夕陽。真氣西來千嶂紫，濁河

庚籤卷十六

六

東去六州黃，何堪大澤哀。鴻雁耐可重，關踞虎狼虛。博採風隨埃，吏龍泉。賸有舊時裝。

西陵別中郎小修

山陽殘淚溼征衣，此別深憐舊侶稀。與我周旋明日始，爲誰流浪十年歸。采蘭自有山中樂，抱甕原無世上機。巴蜀音塵同梗泛，峽魚西上雀東飛。

沔縣武侯祠

丞相棠陰此地偏，幾人揮淚定軍前。千秋信史猶生氣，六尺寒碑自暝煙。棧閣經殘流馬路，干戈愁絕卧龍年。雜耕嘔血成何事，重爲英雄一慨然。

入峽書懷

華髮還來照玉溪斑衣常是夢中嗚屨陵尺素何時到家在
相如客舍西

馮從吾 一首

從吾字仲好長安人萬厯己丑進士選庶吉士改御
史削籍歸起尙寶卿進太僕少卿均未赴改大理擢
左僉都御史進左副都御史乞歸起南右都御史未
上召拜工部尙書尋致仕以忤閹黨削籍崇禎初復
官贈太子太保諡恭定有少墟集二十二卷

田按前明吾黔有二驛丞皆能提倡聖學興起後進
王陽明爲龍場驛丞人所共知也繼之者有三原張
原以吏科給事中言事忤旨謫新添衛驛丞學者聞
公名裹糧負笈經所指授充然有得土風爲之一變
此事見明史及少墟文集吾黔省志於新添設驛未
且不能詳鄒漢績輯貴陽府志添謫宦一門亦不能
知張公事余讀少墟集爲紀其詳如此

庚籤卷十六

七

涇野呂先生

涇野呂夫子矯矯崇正學挾冊遊成均馬崔同切琢馬谿田
崔後渠
射策冠時髦聲華何卓犖慷慨批逆鱗封章凌五嶽講學重
躬行乾坤在其握吁嗟橫渠後關中稱先覺

高攀龍 七首

攀龍字存之無錫人萬厯己丑進士除行人謫揚
典史起光祿寺丞進本寺少卿歷太常少卿大理少
卿進太僕卿乞歸起刑部侍郎進左都御史坐忤逆
閹削籍被遞赴水死崇禎初贈太子少保兵部尙書
諡忠憲有高子遺書十二卷

四庫總目 攀龍詩意 沖澹

稱志居詩話先生天下規矩援世翼教不以聲律自
繩然與歸待詔訂金石契宜同心之言自成蘭臭也
田按先生再起侍即時魏闡勢方張福清當國先生
日外廷法用正直內閣法用和緩內閣當借用以和
不可以正直而疑其激外廷當責成內閣不可為矣
緩而疑其媚苦心調劑至福清去而國事不可為矣
先生又曰中官用事未能拔其毒且須殺其毒宜如
歸德相公勸化諸階勿與吾輩為敵然先生不攻逆
閹而攻附閹之輩呈秀將虎鬚取虎子禍均不旋踵

指影 矣

水居

微雨乍過好風徐來游雲斷續眾峯皆開歡然撫景盡茲一

杯世事如積亦已焉哉

山居

城郭多塵事入山意始豁炎暑絕尋遊芳園轉閒潔拂簟卧

庚籤卷十六

八

看雲漱泉滌煩熱疏林來遠風虛堂入新月湛湛無交心端

居見超越百營良有極庶以善自悅

采菊

天地有終極人生豈常爾年壽不可知富貴焉足恃昔為春
原萸今隨秋草薶四時更代謝百年遞成毀區區世人心詎
能違物理所以采菊翁悠然而斯指

送辰州守瞿元立

秋至林薄佳幽人自怡悅閒尋山中侶偶坐松下石一酌清
洽泉滌茲當午熱自餘無一事於性有至適云胡同心人簡
書迫行役我欲賦招隱言念斯民厄以君之操持所至有膏
澤誠然振五品何必恃三尺郡齋有餘閒卽是林間客得意

且歸來共泛五湖碧

渡光山中

時穿深竹坐人境忽如失落日照前山松間一僧出

有客

偶隨白雲出不掩白雲扉有客坐來久山僧歸未歸

水居漫興

黃葉疏疏門巷寒風淅淅蒹葭人在小樓隱几夕陽忽度昏

鴉

劉文卿一首

文卿字後如廣昌人萬歷己丑進士除金華理官擢吏部主事改刑部遷南兵部員外天啟中贈光祿少

庚籤卷十六

九

卿有直洲集十卷

春日由鹿田寺入冰壺洞

幽澗曲相引因君逸興賒林香侵淺草水色映初霞嶺盡樵歌斷巖深鹿跡斜淮南多隱思叢桂幾時花

祝世祿一首

世祿字無功德與人萬歷己丑進士除休甯知縣擢南吏科給事中就遷尙寶卿有環碧齋集六卷

遊芝山

溪山春正半載酒上空亭取醉非吾事乾坤忌獨醒

林堯俞五首

堯俞字咨伯莆田人萬歷己丑進士改庶吉士授檢

討歷贊善諭德南祭酒乞歸起禮部侍郎進本部尙書加太子太保諡文簡有谿堂集

靜志居詩話陳文定善書嘗以南祭酒奏績之京王振致酒幣請書程子四箴文定書與之而卻其幣論者題之亡友蒲田林嘉璣字衡者述其從祖文簡公亦善書法魏忠賢敦請不與忠賢矯詔命公題扁公大書畏天堂三字題曰禮部尙書某奉旨書時忠賢出辭喻公云出于製公以南人不慣食麪辭忠賢衡之公遽請歸里陞見德陵謂曰長公書乃欲歸邪賜之蟒玉以公儀表頡而長也若兩公者明哲保身淵然不可犯士大夫當以爲師林子又言公五言律原出右丞誦谿堂集信衡者不我廷也蘭陔詩話文簡忤魏瑞不止書扁一事德陵欲增闕額文簡力爭及會同選閣日忠賢欲據中坐文簡正色曰公等原由本部選進安可一旦輒相躡躡命移席分置兩柱間忠賢大慍又嘗作詠炭詩云正是高寒欲雪天聊爲置汝鐵鑪前應知倏忽陽和候變作寒灰火不燃爲人所傳誦忠賢益銜之文簡見幾遠引其門有車馬客一詩蓋自道也

庚籤卷十六

十

門有車馬客行

門有車馬客云自洛京回洛京盛簪組道路滿塵埃朝趨丞相府暮入金銀臺時事易反覆人情多傾危對面等殊域貌語極中乖誰能兩調劑耦俱無嫌猜以茲坐歎息不如反蒿萊入門見密親各敘生平懷當杯詎辭數權言有餘詎無爲念曠昔愴惻令心哀

春園雜興

蓬門一徑遠茅屋數間斜得雨新移竹分泉細棧茶山僧來遠寺此酒餉鄰家未識春深淺臨風問落花

宿碧雲寺

駐馬憶曾到重來經十年魚閒猶在藻僧老坐安禪曲水通

山竇疏櫺染竹煙夜深清磬發隨意石牀眠

焦山

高士何年隱芳名留此山至今洞壑裏終日水雲閒鶴瘞銘
猶在僧歸戶不關無因留信宿一棹唱風還

姑蘇夜泊

吳閶今夜月客思倍淒淒到岸鐘聲斷橫橋樹影低臺荒悲
鹿走曲豔聽烏棲欲趁靈岩約雲深路復迷

傅新德

新德字元明定襄人萬厯己丑進士改庶吉士授檢
討累官國子祭酒贈禮部侍郎諡文恪有文恪集

送孫湘山

庚籤卷十六

十一

鬱鬱園中葵丹榮媚朝陽朝陽倏西傾遊雲掩其光春華不
須臾零露淒以霜搖落易爲感離人多慨慷踟躕餞歧路雲
鳥爲俛徨臨觴慘不歡鳴琴發清商別促憂日短會難苦路
長代馬依朔風鴻雁杳三湘丈夫志四海誰謂天一方化願
崇明德無爲情內傷

書王孝子代母死賊册

黑風吹海海水立長鯨跋浪天無日江南處處屯妖氛爺娘
妻子走相失孤鳳將雛值羅弦猛虎食人無豪賢倉皇挺身
乞母命見母不見戈與鋌孝感山頭烏鳥唱閩里至今色惆
悵何處看君死孝心東嶼杲杲海日上

馮有經

二首

有經字正子錦衣衛籍慈溪人萬曆己丑進士改庶
吉士授編修歷中允諭德庶子贈禮部侍郎

龍華寺

湖際先朝寺幽棲省物情磬聲松下靜鳥語竹間清菽米羞
香鉢園葵薦露羹重來知幾日虛負老僧盟

雲居寺

青青岑嶂切天開澗石縈迴半隱蒼松下覆茅精舍出花間
紆徑遠泉來經思劫後存無恙塔想生前願可哀洞去火龍
香去樹雲居日夕隱風雷

方大鎮 一首

大鎮字君靜桐城人萬曆己丑進士除大名推官擢

庚籤卷十六

三

江西道御史遷大理寺丞進本寺少卿有甯澹居詩

集

靜志居詩話少卿與鄒忠介馮恭定高忠憲顧端文
諸公講學首善書院書院毀並得同人于野遂乞休
自號野同翁年七十廬母墓而終鄉人私諡曰文孝
先生其歲杪聞召詩云仕途百折如浮海客邸孤蹤
似出家足以占所守矣

長安春興

蓬萊日轂擁天顏玉殿高居香漢間宛馬如雲羅紫塞黃金
爲土貢青山繭絲使者貂冠出露布將軍鵲印還正是平陂
憂十漸袞衣曉夜不曾聞

章士雅 一首

士雅字循之常熟人副使美中子萬曆己丑進士除

嘉善知縣入爲刑部主事改南工部歷郎中有薄遊
小詠

紀懷

江城二月客衣單況是春風十日寒鄉國梅花開欲盡不須
橫笛倚朱闌

莊天合 二首

天合字德全長沙人萬厯己丑進士改庶吉士授編
修累官少詹事兼侍讀學士贈禮部侍郎有莊學士

集

沅湘耆舊集宗伯詩清婉有致

病起懷故園

庚籤卷十六

三

歲序駛如電疾痰空相尋春華坐消歇庭柯散清陰感此不
自持悠哉懷故林湘月澹疏竹衡雲低素琴結茅流水間意
與澄波深如何久離別負此濠上心耿耿向天未能無莊舄
吟

春閨怨

等閒見花開等閒見花落閒卻紫羅衫春來不會著

戴士衡 一首

士衡字章尹莆田人萬厯己丑進士除新建知縣擢
吏科給事中謫蘄州判官改陝西鹽課副提舉未赴
遣戍廉州天啟中贈太僕少卿

過揚州偶成

廣陵濤色帶邗溝，世事驚心問野鷗。詞賦只今傳水部，風煙應不記迷樓。舊堤楊柳會名曲，新嶺梅花半是愁。二十四橋看欲遍，簫聲明月爲誰留。

郝敬一首

敬字仲輿，京山人。萬厯己丑進士，除掇雲知縣，改永嘉。擢禮科給事中，改戶科，謫宜興縣丞。厯江陰知縣，遷行人司副，有山草堂嘯歌二卷。

田按：仲輿九經皆有解釋，其論詩文有藝圃餘談四卷，謂古詩四言、太音、冲漠、漢魏、增一言，便多逸響。如兵法改車戰爲步騎，龍虎風雲奇變百出，更增七言。如長驅野戰，又謂少陵詩如王郎酒酣拔劍斫地歌，莫哀與太白詩蜀道難天姥吟北風行等篇，氣格壯麗，雅意澹微，大抵以四五言束縛千古之詩人，溢出一字，便爲不雅。固哉仲輿之言詩也。其所自作殊多淺率，不副其言。

庚籤卷十六

十四

山莊卽事

嵐光拂曙影童童，春氣薰林林欲紅。隔浦人來呼渡子，看花客到問園公。苦吟得句逢春草，行藥無心過水東。酒伴城中勞折柬，柴車巾破畏天風。

陳所蘊一首

所蘊字子有，上海人。萬厯己丑進士，授南刑部主事，歷員外郎。中就改吏部，出爲湖廣參議。厯大名、河南副使、河南參政，乞歸。起山西按察使，不赴。再起南太僕少卿，有竹素堂藏稿續稿。

乞歸未遂

忽忽吾何意，長歌懷隱淪。出眞成小草，積竟是前薪。落落悲

吾道支離笑此身菟裘營已久生計足垂綸

陸彥章一首

彥章字伯達松江華亭人尚書樹聲子萬厯己丑進士除行人乞歸起光祿寺丞遷本寺少卿改太僕少卿引疾歸起光祿寺卿不赴再起南刑部侍郎未上卒有讀書園集

田按伯達登第文定遺書戒之曰於家則疑盈滿於國則妨英俊後母趨捷徑母暱權門乃吾子也伯達上官僅二年乞終養歸文定卒伯達廬墓側告墓曰生為祝聖之民死作依親之鬼山川草木實聞此言福清執政高其節即家拜光祿寺丞再遷官引疾歸歿頑兩朝再徵未上卒世稱伯達難進易退綽有父風

答周翰使君

立亭東眺白雲多載酒其如興盡何惟有相思無近遠秋風

庚籤卷十六

五

吹夢渡黃河

鄭明選三首

明選字侯升歸安人萬厯己丑進士除安仁知縣擢

南刑科給事中有鳴缶集

列朝詩集鄭君詩殊有俊氣靜志居詩話先生五言近體全學高達夫七言近體全學杜子美語不求工而句鉅字鍊卓然名家

歲暮卽事

臘盡休公事無人早閉門鉤簾看竹樹筐果散兒孫晴雪留階溼寒煙渡水昏雞棲江色暮返照落清尊

病中憶沈長山別業

不識田園近若何洛陽歸興日蹉跎舊時野竹平安否清夜

山猿人聽多病惜餘生仍皓首老將吾道寄滄波風流况有
詩朋在月白花香對朗歌

溪望

金蓋山前綠水橫下菰城北碧雲生酒船亂逐晴沙集漁網
徐牽細浪行盡日盤桓從性懶百年蕭散覺身輕已將杖屨
遊方外婚嫁何須學向平

萬嗣達一首

嗣達字禹存德化人布政使衣子萬曆辛卯舉人累
官雲南金滄道副使

廬山歌

廬山九疊雲錦屏高逼清虛窺帝庭白鹿未歸丹石杏黃龍

庚籤卷十六

六

長去碧潭腥岩僧乞食來天竺山鬼吟詩潛石屋洞口層冰
六月寒山腰倒景千年瀑渺渺仙源信可求青松白石總丹
邱何時一杖雙峯頂長與盧敖汗漫遊

張民表一首

民表字林宗一字武仲中牟人萬曆辛卯舉人有原

閩塞菴詩集

列朝詩集林宗性嗜古文詞藏書數萬卷手自點定
喜飲及草書飲少許卽頽然揮灑放筆謂有神助任
俠好客老而彌甚時蕩舟於中牟郭外之南陂無
日無客無客不醉頂高冠飄二帶帶上繡東坡半升
僅漉淵明酒三寸纜容子夏冠之句乘敗車無頂幔
一老特牽之朗吟車中每曰醉陂頭老杏下門人子
弟扶掖而歸兀傲自放世莫測其淺深也崇禎壬午
寇圍大梁林宗勸當事密檄左甯南趨大梁背北城
而陳通黃河一線以爲餉道又當合陳永福兵列城
外勿聽入入則城中餉竭勢且民與兵俱盡皆不聽

寇暫卻或諷之日孟去諸林宗日死則死耳奈何去
以為民望乎圍城五閭月日夜乘石拮据行問汴人
倚之皆守死不去賊決水灌城背負其先人神主抱
詩文橐二尺許登木筏鄰並求登筏者益衆林宗不
忍卻移後就之筏且沈乃移筏登屋屋上而沒次子
接林宗耄且乏食數上下者久之水大至而入垂綆相
允隼及門生文大士皆從焉
書影阮太冲王季重皆潮人俱生於都門張太保公
為壘卿時林宗先生侍養都門三公垂矜共硯席於
演象所常合刻其詩文宿林宗先生長欄中予時讀
移家尉氏時過會城夕如少壯時太冲常呼張曰
書其地見兩公雄談竟夕如少壯時太冲常呼張曰
張仲爾一生為詩惟得草細吳門棹煙傷楚澤吟二
語耳張曰跛君欲吾稱爾潮回遣峽青日鏡驚濤紫
耶太冲晚年足不良於行崇禎壬午汴城陷於水
田按林宗為太保孟男子也國變後屬趙雪江圖林宗
大梁周亮工林宗弟子也國變後屬趙雪江圖林宗
像授其子子顧遍徵題詠余得藏之詩多步林宗
城南寺壁上詩韻亮工詩云鄴下南頭寺同來聽妙
香隨鐘搆竹杖分佛臥破壁孤兒淚河一賦
霜鴻文與祕笈蛟室可能藏薛案詩云鄭重山陽賊
征輶一擄香如生歌哭室異姓兩風床弔古疑前詰

庚籤卷十六

七

扶孤又幾霜憐予久遁迹攬鏡負行藏黃景昉詩云
寂寞尚書後猶傳劍履香竟虛揚子宅誰伴庾公床
酬字三千絹墜飯五十霜僅留詩種在辛苦日嬰藏
顧夢遊詩云汨羅同尺水愁滿酒瀉蒲霜楚澤招魂些
秦淮邀笛床情深千尺水愁滿酒瀉蒲霜楚澤招魂些
三光日閒藏張文時詩云水愁滿酒瀉蒲霜楚澤招魂些
編佛淵明酒飛花侍女床授筆圖獅額傳神染免霜
此宵勞夢想死是行藏杜溶詩云猶見吹臺氣長
留汴水香九歌揮酒盃四海弔書床開霽心如月峻
嶠面有霜河洛高弟子珍璽畫像客淚灑胡床衣褶
飯依久終然關鐵香天珍璽畫像客淚灑胡床衣褶
疑霑水髭根半帶霜騎鯨歸去後文字老龍藏許友
詩云破壁詩痕潤羣花繞殿香鳥嘯千樹月書亂一
能藏
筐床酒寂夢淩水蟲寒語咽霜夜寒風雨裏光怪可

陳古白

文傳江左秀情見宋中書隔面雲千嶂愁心髮一梳良圖襄
野牧活計頽濱漁儻欲枉相訪嵇康候呂車

明詩紀事

貫陽陳 田輯

庚籤

鄧原岳

十一首

原岳字汝高閩人萬歷壬辰進士授戶部主事歷員外郎中出為雲南僉事遷湖廣參議進副使有西樓

集十八卷

小草齋集汝高初為詩學鄭吏部已又學七子既而

一意摹古要以唐人為宗

蒼霞草汝高詩甚銳而氣深語沈有灑然之致

白榆集汝高詩心靈骨峻才雄思超

田按汝高詩音節後爽長於七律與謝在杭徐惟和輩結社在杭推為嘉隆後閩人之冠假借云爾余衡其才品當在二人之次

庚籤卷十七

俠客行

結客不交遊冶郎使酒不挾邯鄲倡一片雄心貫白日披肝
瀝膽天茫茫尋常殺人只寸鐵杯酒殷紅化為血壯士借名
仍借軀不似君卿但唇舌

送彭興祖之晉陽

北地風霜早關門落葉稠故人從此去遠道不勝愁匹馬奇
嵐暮殘雲石室秋明珠須愛惜取次莫輕投

同林熙吉熙工王玉生徐惟和興公遊錦溪竹林

苦愛西溪竹干挺修篁瑟瑟逗晴暉石林空翠和煙澗澗道
流泉作雨飛載酒偶隨芳草去迴車猶惜白雲遶山中桂樹
堪招隱矯首風塵幾是非

渡錢塘江

十月繁霜夜沈寥扁舟孤客欲魂銷江干木下頻聞雁浦口
風來正上潮南宋寢園雲漠漠西陵松柏雨瀟瀟塞垣戎馬
無消息北望傷心涕淚遙

謁長陵

文皇定鼎壯燕幽更卜立宮枕上游樂府舊傳朱鷺引祠官
親奉白龍旂太行迤邐雲邊路黍谷蕭條塞外秋聞說關中
胡馬動三犁誰爲埽神州

過表忠觀

一畝荒祠卽故邱越王香火此湖頭水犀獨擁三千卒裘馬
橫行十四州畫拱秋風樓鳥雀空山夜雨冷松楸英雄已去

庚籤卷十七

殘碑在山下寒泉空自流

過清河間河工告成恭紀

聖祖園陵奠泗濱百川長護屬車塵艱虞正念衣冠地開濟
誰當社稷臣高闕迴翔龍嘴月濁流安穩鶴河春年年霜露
還供奉極目祠宮草色新

歌風臺

漢祖歌風有舊臺雄圖零落委荒苔百年父老思湯沐此日
樵蘇問劫灰樊蒼有碑荒草沒沛宮無主野花開眼前壯士
今何處寂寞長陵烏雀哀

寄強善長

橫塘信宿繫蘭舟風雨時時憶虎邱微外青山勞客夢天涯

芳草伴人愁山連越嶺還爭險水入昆明卻倒流萬里閒關
書一札不知何處問滄洲

越王臺懷古

日落汀洲江吐雲君王遺殿晚氤氳樓船北出鄱陽道劍壘
東歸威武軍馬瀆潮平天外直龍湫泉咽夜深聞一時霸業
堪蕭瑟愁對青山越水濱

春盡

客舍蕭條對夕暉更堪春盡野花飛馬蹏欲逐殘春去不信

春歸客未歸

江盈科四首

盈科字進之常德桃源人萬曆壬辰進士除長洲知

庚籤卷十七

三

縣徵授吏部主事累官四川僉事有雪濤閣集十四

卷

袁宏道瓶花齋集進之詩窮新極變物無遁情或有
一二語近平近俚近佻此進之矯枉之作以為不如
是不足以矯近代浮泛之弊也
靜志居詩話進之與袁中郎同官吳下其詩頗近公
安派持論亦以七子為非特變而不成方者中郎謂
其矯枉之過所謂笑他人之未工忘己事之已拙文
人通病大抵然矣
田按進之才不及中郎而近俚近佻正復相似今錄
其明暢之作

書思

萬里滇雲寄一官天涯歸路正漫漫荒煙遠浦迷春色細雨
孤城釀暮寒鄉思隔年頻入夢客愁向晚只憑欄可憐寂寞
誰相對細把梅花獨自看

昆山舟中睡起

旅泊婁江一日程姑蘇望入晚雲平天連海氣全低岸潮挾
溪流欲上城客裡鄉心成遠夢枕邊涼雨作秋聲醒時自擬
還山賦麋鹿從來無俗情

棧道

透迤棧道繞溪斜槿戶茅堂見幾家籬落荒涼荆棘裏蜜蜂
飛上野藤花

讀張魏公傳有感曲端

子聖焉能蓋父凶曲端窺與岳飛同何人為立將軍廟也把
烏金鑄魏公

靜志居詩話徐秀才善敬可一日語予曰周公謹小
人哉張魏公朱子所父事何可毀也予曰公謹三代

庚籤卷十七

四

直道之遺也宋之南渡將帥有人可以戰可以守自
寄閩外之權於凌喪師動數十萬元氣重傷譬諸屨
夫不能復起矣凌於李綱趙鼎輩則劾之於汪彥伯
秦檜等則薦之尚得云好惡之公平至曲端之誅與
檜之殺岳飛何以異而讀史者務曲筆以文致端有
可死之罪不過因凌有子稱講學凌死徽國文公為
之作狀天下後世遂信而不疑爾中郎朱仙鎮詩已
極悲惋不若進之詩露膽張目詢詩家之南董也

畢自嚴一首

自嚴字景曾淄川人萬曆壬辰進士除松江推官徵

授刑部主事改工部歷員外郎中出為淮徐道參議

改冀甯道歷山西副使陝西參政按察使布政使召

為太僕卿以右僉都御史巡撫天津進戶部侍郎督

遼陽再進右都御史命掌南院事就改戶部尚書引

疾歸召拜戶部尚書累加太子少保太子太保贈少

保有石隱園藏稿八卷

四庫總目高珩序石隱園藏稿云自嚴官戶部時於天下大計朗明於胸屈指兵食款目如觀掌紋每入署輿後置書二寸餘日晡事竣必讀書漏下數刻乃歸鄭侯劉晏遂抽鼃賈之簞實古來僅事又稱其七言近體分滄溟華泉之座又作第二序擬其文於韓蘇擬其四六於徐庾雖鄉曲之言未免稍溢而以經濟兼文章則自嚴要不愧也

留計移疾獲請詠懷

觀光忝昔幸解組嫌今遲自嗟薑桂性兼之蒲柳姿七尺猥承匱四牡幾載馳晚荷儲精寄尋綴紀綱司祿厚責彌重汲深綆難支筋力空殫竭膏盲悲暗滋坐是乞鑑湖煙水聊自怡貝邱宵夢繞岱麓春雲垂永矢南郭隱長謝北山移

王樂善 二首

庚籤卷十七

五

王樂善字存初霸州人萬曆壬辰進士除行人遷吏部

主事有鷓鴣適軒詩稿扣角集

明詩統扣角多寓自傷不遇之意

春宮曲 二首

燕語花飛正斷魂黃金枉費賦長門淒涼莫恨嬋娟誤不嫁呼韓卽主恩

垂垂楊柳繞橫塘倚檻攀條暗自傷卻恨不如風裏絮化萍猶得伴鴛鴦

張五典 一首

五典字和衷沁水人萬曆壬辰進士授行人遷戶部主事歷員外郎中出爲山東參議累官兵部尙書贈

太子太保有海虹集

山居

卜築幽岩裡紆回一徑斜
林虛留鶴夢壁古繡苔花
煖水浮溪荇春雲濕澗沙
采芝隨鹿去茅屋鎖煙霞

李騰芳一首

騰芳字子實湘潭人萬曆壬辰進士改庶吉士授檢討屢遷諭德以擅去官降太常博士再謫江西理問起行人司正擢少詹遷禮部侍郎改吏部以憂去官加禮部尙書尋起原官謚文莊有湘洲集十一卷

衡陽舟中

薄暮江煙裏相看一解顏
浪鷗無定渚霧豹有深山
過客東

庚籤卷十七

六

西老孤舟天地間
江流原浩浩吾道自多艱

王在晉三首

在晉字明初潯人僑寓太倉州萬曆壬辰進士除中書舍人遷工部主事歷員外郎中出爲福建僉事累遷江西布政使以右副都御史巡撫山東進總督河道拜兵部添注侍郎進本部尙書經畧遼東薊鎮天津登萊改南兵部尙書告歸起南吏部尙書就改兵部召拜刑部尙書改兵部坐事劾籍有蘭江集二十卷越鑄八卷遼海集

山行

谿聲混人語清冷逸塵埃
隔莽爨煙起當山竹籬開
小兒驅

犢去村嫗汲泉回耕鑿此中足桑麻遍地栽

秋夜舟行至由拳

落日放舟菰渚青雙雙鳧雁眠沙汀
清秋獨坐不成寐涼夜一尊長自醒
殘笛風前弄楊柳疏星水面來流螢
挂帆無恙杳然去晴空漠漠滄江冥

長途春感

竹篠行竈便爲家野邸逢人問歲華
聞道江南春事半木蘭花發在天涯

石九奏

九奏字伯成冀州人萬曆壬辰進士授大理評事

寺副寺正出爲萊州知府改兗州歷開原兵備副使

庚籤卷十七

七

進參政有半園集

囉噴曲

淮水東流急郎乘淮上船安得回棹風
一夜吹郎還

無題

走馬章臺日已斜當年心事託琵琶
春來惟有雙飛燕猶認雕梁是舊家

張三極

三極字

臨清人萬曆壬辰進士官教授

新秋集顯靈宮分得婢字

物外逢迎好雲林徂暑晴鳥聲移晚樹
鶴影上秋堦捲幕開花薦分觴泛羽
卮暮涼歸興促莫遣酒行遲

馬應龍一首

應龍字伯光安邱人萬曆壬辰進士官禮部郎中

送友之雲夢

二澤雄江漢孤帆發上游相逢原逆旅悵別各驚秋風咽蟬聲苦波澄雁影浮那堪回首處雲滿仲宣樓

張延登一首

延登字濟美鄒平人萬曆壬辰進士除內黃知縣擢兵科給事中累官右都御史贈太子太保諡忠定有

集

龍磨角用雪蓑韻

一水涓涓鑠谷口東風吹盡改南薰老龍何日磨雙角穿破

庚籤卷十七

八

頑出兩道雲

丁起濬一首

起濬字哲初晉江人萬曆壬辰進士歷吏部郎中南

太常少卿累遷刑部侍郎

東南嶠外詩話哲初不以詩名林茂之日亦列哲初有古驛一燈深之句乎牧齋求得全什錄入列朝詩集哲初官司寇時治魏闖黨蘇州織造李實嘗誣周起元周順昌獄刑部會鞫擬大辟慶宗意欲縱之哲初執愈堅懷宗大怒詰責對曰好生者陛下大德執法者臣子職分乃解其立朝風概如此

良鄉夜宿

古驛一燈深蕭蕭車馬臨薄寒添暝色入夜動鄉心戒寢預愁夢喜晴翻量陰首塗才此夕忽漫話家林

岳和聲一首

和聲字爾律嘉興人萬曆壬辰進士除汝陽知縣徵授禮部主事歷員外出爲慶遠知府改贛州東昌遷福建副使歷廣西參政以右僉都御史巡撫順天天啟中起補延綏巡撫有餐微子集三十卷

田按爾律出守慶遠效范至能作後驂鸞錄紀遊頗稱好事詩強作琴牙語以翻李王寔日晚起撫延綏時論薄之吳次尾兩朝剝復錄云云

從顧鄱陽公立年丈乞番君碑

番君尸祝自庚桑雁影湖波共渺茫
懊恨無端趙松雪一碑
翻教合君忙

徐必達一首

必達字德夫嘉興人萬曆壬辰進士除太湖知縣改

庚籤卷十七

九

溧水遷南吏部主事歷太僕卿應天府尹以僉都御史提督操江就遷兵部侍郎贈兵部尙書有南州草南陵道中

登登不盡青山路瑟瑟松風到處聞
飛鳥自來人自去馬蹏
蹴碎萬重雲

陳懿典一首

懿典字孟常秀水人萬曆壬辰進士改庶吉士授編修歷官少詹事有吏隱齋集

送錢湛如孝廉攜燕姬南還

歧路秋風思黯然
驪歌唱徹孝廉船
抱將楚璞何須泣
買得燕姬絕可憐
月夜鴛鴦雙縉帶
春風山水一調絃
壯心暫託

當墟見許待相如駟馬年

潘榛 一首

榛字茂昆鄒人萬曆壬辰進士累官山西按察使

露書鄒邑潘茂昆詩十一卷余愛其人隨山勢高低
任門逐日光向背聞靈藥近生衙舍下好山多在郡
城邊之句

題恩縣高閣

渾疑天咫尺雲影漫相連古道行人渡長河估客還重關
十二朱履故三千不見平原塚登臨一慨然

庚籤卷十七

十

十二朱履故三千不見平原塚登臨一慨然
再讀大似只美漢武壯世古昔人歎身所由客還重關符
題恩縣高閣

無意云
蕭字茂昆鄒人萬曆壬辰進士累官山西按察使
露書鄒邑潘茂昆詩十一卷余愛其人隨山勢高低
任門逐日光向背聞靈藥近生衙舍下好山多在郡
城邊之句

蕭字茂昆鄒人萬曆壬辰進士累官山西按察使
露書鄒邑潘茂昆詩十一卷余愛其人隨山勢高低
任門逐日光向背聞靈藥近生衙舍下好山多在郡
城邊之句

明詩紀事

貴陽陳 田輯

庚籤

朱之蕃 一首

之蕃字元介南京錦衣衛人萬歷乙未第一人及第授修撰歷諭德庶子少詹事進禮部侍郎改吏部贈
禮部尚書有奉使稿四卷南還雜著一卷紀勝詩一

卷落花詩一卷

列朝詩集元介出使朝鮮盡御其贈賄鮮人來乞書以額參為贗藥裝顧返厚盡斥以買法書名畫古器收藏遂甲於白下無聲詩史元介措法敏速腕際有神寫山水得米襄陽梅花道人標韻竹石兼東坡與可之妙

庚籤卷十八

桃花鴨

半林斜日數家煙流水冷冷意悄然山犬不驚機事少暮鴉飛盡野雲閒羞投定遠懷中筆笑悟維摩病裏禪為向青帘探酒價何妨一醉晚風前

湯賓尹 一首

賓尹字嘉賓宣城人萬歷乙未第二人及第授編修
歷中允諭德庶子遷南國子監祭酒有睡菴集二十

宋八卷

田按嘉賓宜黨之魁與東林為難萬歷辛亥富平孫尚書還揚掌察典黜嘉賓等士論快之嘉賓以制舉業名天下詩非所長

南中春詞

常曰春風長板橋琵琶細語撥檀槽一從騎鳳蕭郎隔著處
花飛怨伯勞

孫慎行一首

慎行字聞斯武進人萬歷乙未第三人及第授編修
歷中允諭德庶子少詹事遷禮部侍郎乞歸起禮部
尚書謝病歸以論紅丸遣戍甯夏未行以赦免起故
官協理詹事不就廷推閣臣甫入都卒贈太子太保
諡文介有玄宴齋集

靜志居詩話要典三案羣切齒者挺擊則朝邑王侍
郎移宮則應城楊忠烈紅丸則文介也平居研精易
學吟詠不甚留意其觀元祐黨人碑有感作云誰知
黨人籍翻作褒忠碑曠世相感今古同然矣

見宋黨禁有感

庚籤卷十八

二

誰知黨人籍翻作褒忠碑千秋感尙爾一時豈無知朱紫從
來眩邱山尙可移聖朝恩澤久朝論幸無訛

劉一燝一首

一燝字李晦南昌人萬歷乙未進士選庶吉士授檢
討遷贊善歷洗馬諭德庶子祭酒少詹正詹遷禮部
侍郎進本部尙書兼東閣大學士參預機務加太子
太保改戶部進文淵閣大學士加少保改吏部進武
英殿大學士加少傅兼太子太傅進中極殿大學士
加少師福王時追諡文端有文端集

將謝病歸豫章有懷東湖別業

三載牽纓絨浮名滯一身頻勞江國夢空逐帝京塵園墅新

蕪滿圖書舊業貧白雲慚有約回首重傷神

王維儉一首

維儉字損仲祥符人萬曆乙未進士除維縣知縣徵授兵部主事削籍為民起光祿寺丞遷本寺少卿歷順天府丞大理少卿以僉都御史巡撫山東遷南兵部侍郎改北復改工部有王損仲集

列朝詩集損仲敏而好學通籍六載御批罷官終神宗之世二十年不起好古書畫器物不惜典衣舉息家藏饗餐周鼎夔龍夏彝皆一時名寶客至焚香論茗商畧經史賞誦古物竟日獻酬無一凡俗語為人疏通軒轅口多微詞評騰藝文排擊道學機鋒側出人不能堪亦坐是為仕路側目與余定交長安一日時賢畢集徵漢書某事具悉本末指其腹軒渠曰名下甯有虛土乎損仲詩清婉而近於弱留心宋後三史苦宋史煩蕪刪定成書吳與潘昭度鈔得副本今損仲家圖籍盡沈於汴京之水未知吳與鈔本云何

庚籤卷十八

三

也書影吾邑王公半菴好收藏三代銅玉器常得漢玉觥為世所未有因以寶觥名齋予得交合詞雁澤在吳門市上得公詩文各一卷予為序而鐫之以歸雁澤公詩文皆不苟作矜慎自娛故所存不多然亦無不足傳者

集岩亭王孫東墅

小妓宮羅窄名花綺幕晴絲牽酒盞飛絮戀箏床改席臨階碧登臺望野蒼芙蓉處處是乞取緝秋裳

蔡復一 三首

復一字敬夫同安人萬曆乙未進士授刑部主事歷員外郎中乞歸改南戶部再改北兵部出為湖廣參政遷按察使歷湖廣山西布政使以右副都御史巡撫鄭陽改貴州加兵部侍郎總督貴州雲南湖廣軍

務贈兵部尚書諡清憲有遜菴集十七卷

靜志居詩話景陵之邪說行率先倒戈者蔡敬夫也其駢體亦不屑猶人亡友漢陽王亦世最賞之然以詩論甯取彼而舍此矣

田按敬夫醉心鍾譚摩擬酷肖五言時有佳句如駢茗評泉史餐花訂食經官味秋雲薄鄉心夜雨多蛾眉生易妬駿骨死方憐岸憤親魚鳥移尊就薜蘿病後危看影窮邊怯問途水鳴不知處林鶩自生煙微鐘催上月披鳥沒歸雲間身惟受屐病眼漸妨書土膏鬆菜甲風語滑倉庚未嘗不可節取也

端午後一日寄鄧玄度

節物太關人始知身入楚楚客負楚遊事過空追撫六日鶯花間騷魂無處所書從玄夷來猶挾响嘯雨所缺岳樓詩君為重遊補一讀一冷然湖山天仰俯嘉辰乃當茲續歡徵緣醋子瞻改重陽中郎展端午今曩託深心明月在湘浦

庚籤卷十八

四

至東莊

先暑遂孤往風軒俯碧流溪聲如帶雨雲氣自然秋密樹行相引鳴禽坐見酬雖無河朔飲一靜肺全瘳

分水關

雪散千林蔭菊花馬頭孤月挂籐斜行人不忍揚鞭過未出閩關猶是家

蕭近高二首

近高字抑之廬陵人萬歷乙未進士授中書舍人擢禮科給事中屢遷刑科都給事中出為浙江參政進按察使病歸起福建按察使遷浙江布政使召拜太僕卿歷通政使遷工部侍郎引疾去起南兵部添注

侍郎不赴被劾落職崇禎初復官有九生三草續草
送人之湘潭

迢迢楚水隔煙波把酒臨歧意若何衡雁一聲秋色遠白雲
七十二峯多

劉無垢文學南歸

易水東風變柳條紅亭折贈馬蹏遙江南三月花如綺君在
螺湖第幾橋

范允臨 二首

允臨字長倩松江華亭人萬曆乙未進士授南兵部
主事改工部歷郎中出為雲南僉事遷福建參議有
輪寥館集

庚籤卷十八

五

列朝詩集長倩意匠浮動墨藩橫飛未嘗以琢句矧
績為工如雪山池中甄沱女歌聲柔輒能使清淨五
百仙人皆心逸不自持
靜志居詩話先生筆精墨妙揮毫落紙與董尙書爭
工晚築別業於天平山之陽彈絲吹竹選伎徵歌江
表望為神仙中人又得佳耦唱和傳鈔片楮比於珊
瑚之鈎范氏家藏遠祖唐時告身尙在文正忠宣諸
老手澤猶新義田長以振窮率木未嘗改列清門百
代四姓遠不及也

謁靈澤夫人廟 二首

層闕蛟宮枕激湍湘簾暮捲浪花寒秋風一夜巴陵雨腸斷
歌聲咽木蘭

蠹粉椒塗生網絲溼雲涼露冷空祠鴛紋翠袖流塵暗猶似
深宮望履綦

陸錫恩 一首

錫恩字伯承平湖人萬厯乙未進士除萬安知縣入
為刑部主事歷員外有雙鳧草傳書堂集

靜志居詩話伯承不耐判牘放情山水間自號夢蜨
居士又號癩丈人又號癩丈夫年四十二自撰墓誌
而殞詩頗澹雅

黔筑道中先生

叢厓何所有犵狢與獠獷領袖尊盧鬼猶狎避紫葺市開巖
虎兔醅老鬪蝨蟧漢法那能律居然侈夜郎

賀燦然一首

燦然字伯闇平湖人萬厯乙未進士授行人遷吏部
主事歷員外有六欲軒五欲軒集

遊龍井寺

庚籤卷十八

六

石磴迴盤盡日過仙林寶刹迴嵯峨緣階井溜通泉乳繞殿
花香望薜蘿野鶴下時秋色靜山僧卧處白雲多南屏選勝
無如此坐對煙霞一嘯歌

高承祚一首

承祚字元錫松江華亭人萬厯乙未進士選庶吉士
授檢討有知古堂彙

龍井道中

祇樹開新徑籃輿自在行盤空紆鳥道幽巖雜松聲花雨天
邊落危泉樹杪頽權詩如有意頭上片雲橫

袁時選一首

時選字無擇鄞人萬厯乙未進士除遂溪知縣遷南

刑部主事

電白卽事

經行神電路客劍正蕭蕭海氣晴飛雨沙田低受潮種搭成
野蓋編竹補殘橋回晚還多阻悲風起沈寥

哭屠長卿先生

風流曾遺俗人猜幾擲千金散草萊幸舍無魚人欲去翟門
有雀客空回雨昏黃犢穿荒塚月冷青娥罷舞臺玉樹柘枝
今譜盡到頭薤露爲誰哀

甫上者舊集無擇少有才工於詩屠長卿一見賞之
嘗曰吾身後文章之事當屬無擇長卿沒無擇爲詩
哭之極哀

呂克孝

一首

庚籤卷十八

七

克孝字公原青浦人萬歷丁酉舉人除如臬教諭遷
國子助教歷大理司務轉都察院擢工部郎中有媿

翁詩草

過田叟

我欲驅黃犢移家傍屋東但容茅蓋頂先爲築牛宮

張應申

一首

應申字維貞東莞人萬歷丁酉舉人有二西山房草

怨別

虎門中斷暮潮賒萬頃銀濤捲雪花人事風波有如此勸君
休唱浪淘沙

胡震亨

一首

震亨字孝轅海鹽人萬歷丁酉舉人除固城教諭歷
合肥知縣遷德州知州不赴改定州擢兵部員外有
有赤城山人稿

構李詩繫震亨嘗哀輯唐人詩集旁鈔法苑雲笈及
名山之志而臚列爲唐音統籤一千卷又有秘冊彙
函海鹽圖經續文選文獻通考纂靖康盜鑿錄今海
虞毛氏書皆所編定者也震亨才識與博家多藏書
三百年來吾郡學者屈一指云

田按康熙中 聖祖命輯全唐詩以孝轅唐音統籤
爲底本統籤凡一千二十七卷全唐詩僅九百卷蓋
統籤收道家章咒釋氏偈頌多至數十卷傷於冗雜
全唐詩芟除之矣籤皆論詩之語亦去而不錄故爲
卷止此又攷其譌誤補其缺失始爲完帙然孝轅以
一儒素而蒐羅浩博如此則其創始之功亦不可沒
矣

午日小飲口占

梅雨纔晴幾日餘又看海熟薦黃魚
嘸殘姑惡麥秋過落盡

庚籤卷十八

八

女貞花事疏老矣難充醫國艾
歸歟冷笑殺身蜍眼前只箇
菖蒲醜合爲年光一破除

明詩紀事

貴陽陳田輯

庚籤

趙秉忠 一首

秉忠字季卿益都人萬曆戊戌第一人及第授修撰
歷中允諭德庶子少詹事遷禮部侍郎加太子賓客
進本部尚書贈太子太保有嶼山集十二卷

題畫

萬里同雲四野寒閉關僵卧笑衰安短衣高笠過橋去尋得
梅花帶雪餐

邵景堯 二首

庚籤卷十九

景堯字熙臣象山人萬曆戊戌第二人及第授編修
遷左諭德有邵太史集

倪勸彭姚詩蒐諭德少有才名與甬上楊守勤等結社賦詩號浙東十四子

聞甯夏起變 二首

一自通關市春防鼓角閒黃雲迷漢戍白羽過秦關網紀秋
塵裏朝庭旰食間羣狼遂銷滅邊事恐成艱
遂有西征議仍將北伐同平時多厭武衆亂敢稱雄遠戍沙
塵黑孤城烽火紅不須憂爾輩授鉞有元戎

顧起元 六首

起元字鄰初一字太初江甯人萬曆戊戌第三人及
第授編修歷南國子司業諭德右庶子南國子祭酒

少詹遷南吏部侍郎改北諡文莊有懶真草堂集五

十卷

田按太初留心鄉邦文獻集中金陵名賢詠六十篇自勳舊名臣至韋布縉流綴以四韻彙括生平又著客座贅語詳述金陵故事可與王兆雲烏衣佳話周暉金陵瑣事並傳

按察副使顧公瓌

陳元舉嘗曰顧英玉嗜酒類狂開關則狷

觀察意多忤厭與人周旋傲骨未可紉羣口飛刺天拂衣歸故廬曲突晨無煙凝塵時滿席空歌酒隱篇

奉新令陳公芹

子野雅志泉石嘗一為令善寫竹詩字奕奕奄有江左風流

陳公江海客晚號神仙宰華髮卧天台盪胸弄雲海絨冕非所志紫芝行可采寒梢寫鵝谿孤興固有在

太學生盛公時泰

仲交跌宕不羈倚馬萬言好賓客戶外之屨常滿畫竹石林木蒼然映人

庚籤卷十九

二

盛覽牂牁彥龍章信悠忽曼衍以窮年瀟灑送日月筆倒三峽流理窟何勃窣玉樹埋土中朱華一朝歇

雪浪大師洪恩

洪恩風期後爽議論塵壘動人詩字有晉唐風流

恩公實散聖俊氣邁寥廓當其獨往時肯受梵網縛游戲衍三車矯若雲中鶴世眼多所謀徒為智人譏

商廳館

蔣廟西南

蔣帝祠西白石壇商廳高館盡彫殘年年猿鶴空相怨一路

青山碧樹寒

暑風亭

清涼寺是後主題

深谷樓臺六月中坐披單袷御微風汲來玉井寒如雪不道高歡避暑宮

何如寵三首

如寵字康侯桐城人萬歷乙未進士

戊戌殿試

改庶吉士

除編修歷中允諭德庶子國子祭酒遷禮部侍郎奪

職閒住崇禎初起吏部侍郎進禮部尚書兼東閣大

學士參預機務累加少保改戶部尚書進武英殿大

學士福王時贈太保諡文端有後樂堂集

田按太保晚居金陵近體詩和平蘊藉與謝于喬相近

江行將至金陵作

風靜春江一鑑開天低兩岸萬峯迴人煙漸向津樓起雨色

遙含浦樹來六代山餘龍虎勢千秋人去鳳凰臺居然帝業

思豐鎬誰是西京作賦才

庚籤卷十九

三

自述二首

羅雀門誰懼雪航自非支遠即求羊茅峯夜枕丹爐煖攝頂

春筇藥路長蠲疾舊持觀鼻偈讀書重構印跌堂世間出世

無他願聊遣餘生一味忙

枯菴誰知雨露恩看花榮瘁悟朝昏微疴自便翻辭藥熟客

原疏不署門弔古每思嚴瀨好貽謀應讓履邱尊歸田娛老

惟圖史免記平泉誤子孫

周如磐二首

如磐字聖培莆田人萬歷戊戌進士改庶吉士授檢

討歷中允諭德庶子南祭酒少詹遷禮部侍郎加太

子賓客進本部尚書東閣大學士參預機務加太子

太保進文淵閣大學士贈少保諡文懿有澹志齋集

田按天啟五年輔臣缺詔推老成幹濟者少保以年老未三月即乞歸未出都而卒雖與丁紹軻黃立極馮銓並推於閹黨無所染詩亦朗秀

過分水關

橫雲開峭壁躡履駐斜曛形勝東西圻風煙楚越分半山泉落澗平野樹生雲不是棄縞者休教關吏聞

吳城懷古

姑蘇城下刺蘭橈卻憶吳王古市朝香輦路邊春寂寂館娃宮外草蕭蕭千年往事空嗶鳥半夜疏鐘日落潮明發不堪回首處暝煙秋雨過楓橋

熊廷弼一首

庚籤卷十九

四

廷弼字飛百江夏人萬曆戊戌進士除保定推官入爲工部主事擢浙江道御史以聽勘歸起大理寺丞擢兵部侍郎兼右僉都御史經畧遼東罷歸起原官進兵部尙書兼右副都御史兵潰棄市傳首九邊崇禎中諡襄愍有性氣先生集

湖北詩徵傳畧先生經畧遼東過黃梁祠題句云諷道三綱與五常從來箇箇說黃梁只因遺下先生夢誤盡人間瞋睡郎墨迹未乾而豐碑在望黃陂吳柏陽御史魏客黨也其子惇寬即碑陰題一絕云題詩勒石氣何雄轉眼黃梁又夢中兵尙未來關已入這回瞋睡正朦朧

田按熊芝岡袁元素皆一時邊才一以門戶傳首一以猜主致戮所謂自壞萬里長城也國欲不亡得乎

過恨者關

兩年關上路三度病中過衰爲沙場早愁緣世網多逐臣甘

冀土舉國鷺風波涕泣三朝事馳驅敢惜他

鄧羨 五首

漢字遠遊建昌新城人萬歷戊戌進士除浦江知縣
改秀水內黃徵授御史出為山東副使改浙江進參
政遷山東按察使歷昌平道通州兵備道擢右僉都
御史巡撫順天以忤魏闡遣戍鎮遠崇禎初放還有
留夷館南中紅泉大旭山房芙蓉樓澗水等集

大泌山房集遠遊詩博覽大豐贍

有餘綉

列朝詩集遠遊自序謂十歲喜誦唐人詩年十五始
學詩生長寒素衣食多累三十成進士州縣為勞微
拜御史謝絕人徒悉取毛詩楚騷下逮三唐細閱而
深思之神明默識霍然悟汗乃知我明諸公之學古
人都在形骸之外去之所以更遠王李既廢流派各
別狂警奔逐實繁有徒孝豐吳稼登詞林老宿見楚

庚籤卷十九

五

人而大悅盡棄其學而學焉子厲聲詞禁乃止遠游
當王李未流楚人崛起之會欲箴砭兩家之病而集
其所長其志則大矣旋觀其詩體貌豐縟音節繁會
長篇極意鋪陳而持擇未得其體要今體取材尖巧
而剝搜未脫其皮毛可與掉鞅時流或未能方軌先
正也

靜志居詩話遠遊詩敦琢而出頗近俞羨長何无咎

二山人微嫌鬱轡耳然勝楚人之吟多矣

師範演繫鄧漢明萬歷中巡按雲南詩云地控雙關

金碧雲開雨迤東西盈尺海波瀾瀾四時草色凄凄

峯頭半起雲彩江曲初生月牙蘆岸紅荻羅感此驚心

山下人家細雨斜拖白練春風自翦紅羅感此驚心

風遞一聲畫曉星殘幾點松明注云滇俗潞水處皆

稱海子呼雲為雲彩初生月曰月牙畫角為畫曉松

矩為松明拖白練鳥名翦紅羅花名沙木和花橋關

皆地名

田按遠遊長篇敘事惻惻動人有次山香山遺意高

陽孫文忠公三十五忠詩有詠鄧中丞云按薊能修

字能名威繼光中丞來訓練我武頓惟揚揮羽習鵝

鶴投鞭驅虎狼如君凋落盡誰復問封疆其為名流

痛惜如此

武定變

朝登武定城暮宿抵羅次有何龐眉叟遮車泣訴事問叟何
所苦問叟何所覲叟耄復健忘憶一不記二往者萬厯初邊
守幸康父守令咸得人民物鮮札厲伍伯不到門什一有恆
稅斛米纔十錢半鑷易一醉龜貝自轉輸工價集駢坐相歡
太平人但供角觥戲嗚呼廿載間乾坤一幽閉中丞文且武
抵掌談封拜羽檄豈虛來兵革靡甯歲忍以百萬命而快一
人意忍白千里地而希茅土賜守臣本蝨賊中璫甚狂獬此
輩紈袴子况彼糞除隸咆哮而負螭逢者鮮不噬不忍因民
怨奈何虎冠吏一夫敢倡難餘孽竟昌熾訛傳寇初集頗遭
守者詈罵勉授殘甲垂頭望睥睨蜂涌圍已合蟻薄城遂潰

庚籤卷十九

六

巷戰力不敵免胄期殞碎烈烈金與王闔門竟死義宛轉蛾
眉女慷慨丈夫氣泣抱黃口兒牽挽及娣姒相繼付烈燄義
不汗賊鑽草間苟求活羞彼郡都尉難撲燎原火易乘破竹
勢中丞文且武小醜曾帶芥下合城中外毋得輒引避按堵
第如故已定退賊計賊來如風雨剝膚患孔亟晨與牙門啟
文武咸就位寇賊在門庭請問計安出中丞噤無語汗流手
顛悸但云烏合衆不久當自退城外鼓盈天城中哭震地賊
徒皆重鎧踉蹌錯其臂每聞得漢兒刀腹必洞刺刳腸挂樹
枝烏鳶下爭食尸積雲津橋血流滇海滋中丞非不武空拳
安可試登樓望賊徒懔然思所畏或用緩賊謀姑爲好語慰
彼賊若罔聞瞋目仍攘袂惡詬至不堪左右皆沮媿甘受城

下盟竊發虞姦細犒用十二牛文錦先皮幣甚紫織成衣黃金鉤落帶銀印龜形鈕本自上方製名器敢輕假會謝挈餅

智賊眾始拜舞觀者猶惴惴賊來荷戈入賊去駘金回何對切

可憐窈窕孌抑作犬羊配虜獲動無算男婦必累騎輜重百里聞縣縣行不絕此芮切獬賊固驍悍小勝輒怩怩餘制切中丞

文且武開門悉精銳擊歸伺其怠小醜安足殪但聞攀牆看

誰將一矢遺去聲夷民舊部落府主新儀衛前歌後有舞送歸

刺史解昭昭漢日月幾向蠻天墜忍死幸須臾延頸王師至

焚香拜馬首雙頰如雨淚不意清壑軀復覩漢旌幟感激活

我恩人持一笥餌長跽主帥前帥聞乃大誅怒聲吼如雷立

命三軍士居此圍城中盡與賊句結古詣切從賊有顯戮任其

庚籤卷十九

所斬刈軍士擁向前兩手捧其髮方味切舉刀便欲斫觀者但

聘盼叩頭連乞命我輩有何罪爾輩實無罪是爾命盡日而

切昨傳中丞令首開購級例重賞不踰時以此競趨利搽賊

無所得失利且有害頭願許借我誰能別真偽老幼聞此言

號擗淚盈背生既無門控死當訴上帝駢首就鋒刃流血如

泉沸次第列功狀報捷日三四中丞啟捷書抵掌大稱快催

軍益前進功多賞亦倍傳教諸將營努力功名會今年殺諸

賊金印如斗大當取懸肘後急擊慎勿失式吏切天網恢恢布

多殺神所忌逆賊既就俘將吏亦被逮糜爛同一理誰逃百

六阨烏懈切叟昔有三子諸孫繞膝嬉酷經喪亂來並無髻鬣

嗣田園既蕪沒居室遭焚燹親友凋殘盡生理迷所寄人皆

羨高年高年有顛顛歎息老叟語停鞍重獻歛去聲召變良有

初妖象著為萑町曠作戰場噫嘻豈偶值

王崧樂山集土司志萬歷三十五年武定土酋鳳阿克之亂有鄭舉者阿克之馬頭也阿克馬頭四十八人惟舉富於財武定知府陳典墨吏也假廉訪收禁舉舉置金魚腹饋典乃已已復收之如是再四舉惡其無厭與阿克號召諸夷反典不為備日夷虜何能為會典赴會城阿克連江外土兵大舉入寇陷武定指揮金守仁千戶王應爵男婦四百五十餘人俱執義死千戶梅應時等戰死阿克擁推官白通直抵省城明通進公移請以典之冠帶印信給賊不許肆焚掠索印甚急鎮撫不得已緃印與之始歸立阿克為知府未一月破一府三州四縣巡按鄧漢憤之作武定變詩讀之者流涕漢新城進士中丞金謂陳用賓守仁王應爵都尉謂白明通也諸人釀禍流毒僥倖平賊猶復論功漢先已疏陳其事詩更痛切言之時徽父右都督昌祚已老恨徽與用賓比貽害滇南亦疏論失事狀而都司張名世殺平民冒首功詔逮用賓及徽與名世陳典白明通俱下獄仍起昌祚鎮滇

庚籤卷十九

徽除名餘皆論死用賓以十七年巡撫經理緬事頗有規模一旦變起蕭牆束手無策身填牢獄人皆惜之舊志稱其用兵如神平阿克功進都御史卒子諡蔭蓋未究其始終也

行部迤東道中雜述

客行倦徂暑中道正病渴傍睨清冷水快意思一啜路人急
搖手執勺未及咽細辨啞泉字隱隱見題碣我意不無疑強
復忍其渴此口在人身宜納固有節末俗矜名論胡為但謀
聒諛語恆似詈直諫本為訐不聞大庭內市井爭瑣屑根株
寢廣引聲勢巧虛囑錙銖較勝負何異鼠鬪穴安得飲此泉
永結讒夫舌宇宙復清謐斯人免狂齧賦詩擬采芴從此亦
囊括

新第落成謾賦

鍛鑪依柳下瓢杓挂林中水爲臨池黑泉因洗藥紅留詩招
隱士作賦問天公咄咄終何事將尋植杖翁

姚安道中

志風二首

山霧四塞煙霏微林深箐密行人稀蜻蛉川北日初霽弄棟
城頭雲亂飛映水鳧芷故寂寞迎風雀麥相因依故鄉節候
誰復記五月南中猶裕衣

詔獄初上蒙恩削籍仍行推問感事

氣滯辭六卷

元陰四塞日無輝久矣堅冰識禍機幸免西州名士恥甘蒙
南部黨人譏爰書一代闢衰盛實錄三朝有是非舊事不堪
重省記慶陵遙望淚霑衣

陳邦瞻九首

庚籤卷十九

九

朝邦瞻字德遠高安人萬厯戊戌進士除南大理評事

重省訪遷工部員外改南兵部進郎中出爲浙江參政歷福

南楷黨建按察使福建河南布政使以右副都御史巡撫廣

西進兵部侍郎總督兩廣軍務兼巡撫廣東召拜工

部侍郎改兵部贈尙書有荷華山房摘稿六卷

田按尙書督粵阨海寇不得逞在朝疏言客氏旣出

復入何解人言不愧一時名臣官南評事時與曹能

始輩結社賦詩牧齋謂質朋過從名勝延眺摺紳則

減晉叔陳德遠爲眉目及參浙藩搜訪明初高楊張

徐集重刻之可稱好事集中七律綿邈麗密詩綜不

錄茲體豈未見全集耶

署中獨坐志感二首

莫問行藏事心知吾道非休官計未可將母願多違江海迷

歸夢風霜變客衣白雲迴首處秋雁正南飛

自笑疏狂客空餘懶病身肯論官不調轉愛食長貧遊冶隨
年少悲歌向酒人久知非我事高枕任風塵

山居秋思

樹杪西峯一點青
江時泛錦江船城頭雨暮留高閣湖上
天空見草亭萬里偶題詞客句千秋猶識少微星山川不共
風流盡落日煙波思轉冥

以事赴省舟中作

楚天回首正茫茫留滯誰能念子長孤枕不堪風雨夕扁舟
況在水雲鄉家人占鵲浪傳喜客子聞猿已斷腸應是窮愁
雙鬢切朝來飛入鏡中霜

長安秋懷

庚籤卷十九

十

平生落魄寄江湖客裏逢秋興不孤公子西園邀玉笋美人
漢浦贈明珠中年懷抱頻飛動往事風流更有無到處青絲
驕白馬憑誰調笑酒家胡

歲暮書懷

歲暮蕭條滯故邱飛鴻落木總生愁自緣將母羞微祿敢謂
爲郎歎倦遊病後心情隨髮短窮來身世傍雲浮不知篋裡
龍泉劍何事崢嶸尙斗牛

署中懷曹尊生并寄

湖干秋色似瀟湘歲晏懷人意轉傷黃葉下時山署冷白雲
歸處海天長高城聽角悲殘月江閣看鴻怨夕陽亦信長卿
能傲世未應遊倦薄爲郎

八日

八日江城獨望時澹雲寒雪正流姿登高作賦仍為客

用韜公城

南對酒停杯有所思金縷欲傳香閣勝梅花誰寄草堂詩自

憐歲月驚雙鬢漸遣青銅有素絲

獨居

飛鴉何處嘯夢破霜天曙殘月逗寒窗窺人不肯去

黃汝亨 十首

汝亨字貞父仁和人萬歷戊戌進士除進賢知縣徵

授南工部主事改禮部歷郎中出為江西僉事遷參

議有寓林集三十八卷

懶真草堂集貞父詩晉宋之陶謝唐之王孟

恬志堂集貞父詩虛明妙湛別出靈手

庚籤卷十九

十一

田按貞父詩刻意摹古思清而詞雋

短歌行

樂往悲來日居月諸髮不勝心倏忽馳駒馳駒奈何慷慨以

歌品庶馮生賢者憂多得意一時失意一時來亦不悲去亦

不悲逝川無窮高山虞傾夷光嫫母明鏡寄形胡為擾擾營

身後名芳蘭自折膏火自煎益之損之孰知其然優哉游哉

聊以永年

奉壽胡元敬先生五秩詩 并序

元敬先生仁質義問楷模州壤有太丘長者之風不

佞為之心折久矣而乃辱其令子休仲謬而論交休

仲廣覽典墳冥搜立素踔行卓朗鳳冠士羣蓋慈明

元方之倫也先生有子結爲大年何羨乎喬松彭聃
哉今年秋先生行年五十二三親朋願起爲壽而先
生方戚然慈闈亦會某在熒熒之中玄黃觴豆非所
以將在禮無容無文中情所懷文之不可以已也播
之颺之倡以短述

駕言西河渚遙望南山岑峩峩青雲表下有叢桂林孤秀結
靈區玄鶴鳴在陰彼美胡公彥仁以爲己任鳳偃矯不衰有
雛揚其音研文證名理履道懷立心誼古可躡往辭英將無
今嗟余蕪陋質剖心諾盍簪棄捐世俗好入室援雅琴傷余
遭薄祜慶子情方深微辭薦不腆聊以志所欽

六月帷中諸生讌集靈鷲山

庚籤卷十九

十一

林木已狹爽山雨頓無暑方來喜得朋宴坐足嘯侶酬對有
玄風周還中懿矩綺筵發高倡禮席間法語釋彼域內戀暢
此尊中醕杯行再斟酌燭刻復延伫黯黯夜光微沈沈晚雲
點躑躅下山坂蒼茫窺島嶼情劇深懷來時止詠歸去短履
紛縱橫高枕任爾汝

登秦駐山

東遊不可見西望亦悠哉亂鳥蒼溟合遠天紅日開雲間聊
弭節松際一登臺萬古雄心盡沙鷗自去來

懷抑之司理

催芳春聿暮懷人書亦來飛花渡流水唳鳥上高臺江漢渺
難越浮沈浪自猜山空人語隔遲日冷莓苔

新嘉驛亭

結陰深驛舍卽與世喧分小澗偏沈日孤亭亦貯雲藤蘿秋
與寂林響暮還聞不覺移時坐銜杯半入醺

金山寺果公淨業菴是馮開之祭酒所題

江上袈裟地山陰淨業菴憑虛通杳靄俯檻挹寒潭破衲流
雲護殘經落日參重來學土座玉板出香龕

宿蓮華菴

是菴禁酒

暮山看不極轉徑得清涼霄漢一峯紫雲泉眾木芳淨觀惟
佛火高卧是繩床不作攢眉苦相依蓮社長

過吳門金玄朗故居玄朗客死

飲馬橋西舊酒徒到來門巷已荒蕪譚天不復聞鄉衍罵座

庚籤卷十九

三

何緣有灌夫老去壯心銷客夢生成俠骨葬江湖長林豐草
悲歌盡明月閭門泣夜烏

吳門金玄朗快士也作移家六首索余投贈

成佛敢希靈運卧遊自託少文動操高山流水冥坐疏鐘白
雲

黃起龍

一首

起龍字應興莆田人萬厯戊戌進士授行人擢南吏
科給事中

山行

錦樹霜凋楓葉斜赤城霞起武陵花沿溪行到無人處翡翠
銜魚上淺沙

一作吳文潛詩

鄧雲霄 一首

雲霄字玄度東苑人萬厯戊戌進士除長洲知縣徵授南戶科給事中出為湖廣僉事遷四川參議改湖廣降陝西僉事改廣西進參政有浮湘燃桂漱玉齋百花洲越鳥竹浪齋紫煙樓鏡園解弢等集

四庫總目雲霄作冷邸小言論詩以妙悟為宗自然為用集中詩多仿王孟之音而醞釀深厚則未及古人

秋江蘆花歌

蘆花兩岸堆成雪旅客懷歸心欲絕輕棹如浮剡曲舟開尊似坐瑤池月年華隨水向東流蘆荻無心亦白頭正苦征鴻偏怨夜翻憎絡緯競吟秋蘆花飛去如蓬轉鄉路微茫水深淺村童莫更捲笳吹恐惹邊風入柳枝

庚籤卷十九

古

范鳳翼 二首

鳳翼字異羽南通州人萬厯戊戌進士除灤州知州改順天教授歷國子助教遷戶部主事改吏部歷員外謫長蘆運判遷工部主事進尚寶司丞本司少卿大理寺丞皆不赴削籍為民崇禎初復官福王立拜光祿少卿不起順治十二年卒有勳卿集二十八卷

吳應箕留都見聞錄通州范異羽尚寶以民變居南好客不倦而工書善詩談吐有蘊藉所謂風流儒雅亦吾師也

征途

歲晚疲征途籃輿載歸夢野風吹又醒明月勞相送荒村燈火微遠寺鐘聲動投宿僧寮中所斫酒盈瓮

亦適園分韻

非關名遂乞江湖纔到中林塵事無除卻買花沽酒外爲他

雙鶴辦漁租

邱禾實 一首

禾實字登之新添衛人萬厯戊戌進士改庶吉士授

檢討歷贊善諭德遷庶子有循陔園集十二卷

田按黔人入翰林迴翔清署荐厯坊職者自登之始舊記荒畧於登之厯官不能詳余得萬厯戊戌會試錄履歷爲補其缺登之頗好事於里中佳山水搜剔得之爲作遊記憑虛洞其一也今并錄其詩

憑虛洞

懸崖到處鑿鴻濛恐有秦人寄此中見說渡頭楓葉落年年

秋水似桃紅

庚籤卷十九

圭

秋水阮自華 一首

自華字堅之懷甯人萬厯戊戌進士除饒州推官改

福州遷南刑部主事改順天教授歷國子助教遷戶

部主事歷員外郎中出爲慶陽知府考察罷官起邵

武知府有霧靈集

列朝詩集堅之爲人跌宕放好從學佛者遊嗜酒爲長夜之飲爲理官時直指行部扶醉入謁甫下拜喀嘔狼藉噴污直指衫袖遂至露章晚爲郡守不視吏事賓客滿堂分簡賦詩遨遊山水間稱風流太守嘗大會詞客於凌霄臺推屠長卿爲祭酒絲竹殷地列炬薰天宴集之盛傳播海內復爲直指所糾而罷堅之記誦輿博摭摭富有漢魏樂府至枚李古詩無不撫擬自謂超于鱗而上之其實無以相遠也七言古今詩箋續纂組乏抑揚頓挫之致覽燕中都邑之勝自三殿迄虎圍豹房作七言今體詩百篇君子尙其志焉

靜志居詩話堅之詩不求工君子誦詩論世甯舍詠

懷堂而取霧靈也

落第客塞下代盧龍諸將寄京洛相知

朔氣厲高秋將軍洗劍鏖雲出塞暗疲馬傍人愁風色侵
重鎧霜威折丈矛貴人能作賦何不自封侯

曹徵庸一首

徵庸字遠生一字平子平湖人萬歷戊戌進士辛丑殿試

除延安推官入為大理評事遷刑部主事歷員外郎

中出為汾州知府有冰雪軒集

費元祿轉情集吳滋曰落花詩海內作者無論數十
家曹平子詩云不分香泥深一尺好教絲幃護千重
已知豔色移新寵尙倩迴風點故衣褪粉半痕憐日
長離枝一寸即天涯十里輕塵隨燕蹴一春如夢倚
人猜二十四番寒尙峭高樓人病又今宵芳樹舊痕
猶在眼玉人新恨正從頭鄧遠遊詩云美好分無長

庚籤卷十九

夫

久日摧殘翻惜未開時恨不帶將長命縷若為吹上
合歡裙班姬忍淚題秋扇卓女多情詠白頭乍同故
主沈智井可惜蛾眉送馬嵬過此徐孺空作態爾時
衛玠亦言愁東風一任吹多少嗚鳥徒勞說短長若
比宮人初入道那由去婦復還家總是情根銷未盡
一枝留得供瞿曇陳元明詩云一種飛花千種恨情
誰為破許多愁長門月落空勞賦團扇秋來但有詩
下淚未歌河滿子無言空對息夫人又駉駉欲度驂
驪前矣
樵李詩繫遠生詩哀涼曠蕩多出塵之想
靜志居詩話汾州詩品超逸誦之如哀梨脆齧大是
爽人

送魏仲雪南湖詞

一秣蒹葭淡不窮筆床遙住水雲東夜深白露兼紅葉飄入

秋風艇子中

沈孝徵一首

孝徵字永思海鹽人萬歷戊戌進士除工部主事歷

員外郎中出爲河南副使有立暢閣集

元夜宮詞

琉璃瓊盡中天色蘇合油薰別殿香六院盡翻新曲奏柘枝
斜倚御袍黃

徐良彥 一首

良彥字季良新建人萬歷戊戌進士除婺源知縣改
溧水徵授御史出爲福建參議遷山東副使入爲尙
寶司少卿歷大理寺丞右通政擢右僉都御史巡撫
宣府以忤崔呈秀遣戍五溪崇禎初起南大理卿遷
工部侍郎

江上聞笛

庚籤卷十九

七

笛聲起江樓怨入長江水因風寄遠心不知誰家子

方承郁 一首

承郁字伯文莆田人萬歷戊戌進士除歙縣知縣遷
南兵部主事改工部有關洛紀遊草

同夏正甫宿莎蘿坪

邱壑應憐我茲行喜共君竹聲孤嶂雨松影半龕雲鐘晚香
林寂泉清別澗分蕭然澄萬慮正可浣塵氛

董應舉 一首

應舉字崇相閩人萬歷戊戌進士除廣州教授遷南
國子博士就遷吏部主事改北歷員外郎中遷南大
理丞歷太常少卿太僕卿遷右副都御史進工部侍

郎有董崇相集十六卷

東南嶠外詩話侍郎遊棲霞句云石骨欲上天半爲佛所據初讀之但詫爲奇語耳後余官江南乃知爲實景惟此十字寫得出耳

秋日尋孔雀菴通上人

林深不辨徑積葉翳寒泉屋角留殘日秋階童獨眠問師何
所去遙指隔江煙夕磬無人發林中聞暮蟬

何棟如一首

棟如字充符一字子極無錫人萬厯戊戌進士除襄陽推官以忤監稅繫獄削籍歸起南兵部主事遷太僕少卿充軍前贊畫以事下獄遣戍滁陽崇禎初復官有南音攝園稿商音徂東草

庚籤卷十九

大

夏日感興

玄冥變炎暑冷雨夜浪浪乾坤陰氣塞陽精久韜藏天心有
翻覆此理何茫茫嗟哉夸毗子戀彼熠燿光誰知叩角者悲
歌慨以慷

倪尚忠一首

尚忠字世卿浦江人萬厯戊戌進士除順德知縣遷吉安同知有居雲鳴鑪醉吟等集

飲戚家園

園倚青山麓亭開綠水濱鳥聲能喚客花氣欲留人酒擬高
陽醉詩翻大厯新相攜明月下不數曲江春

劉時俊一首

時俊字夢敘富順人萬厯戊戌進士除廬江知縣改
桐城吳江徵授南刑科給事中出爲福建僉事謫湖
廣按察司知事遷行人司副歷尙寶司丞進太僕少
卿

賦別

浮雲起天未白日何荒置酒臨高臺悲風逐我翔念我飄
零客與子暫相將子去我且留慷慨激中腸請爲別鵠吟四
座慘無光願言崇令德關山遙相望

謝廷讚一首

廷讚字曰可金谿人萬厯戊戌進士除刑部主事以
論建儲削籍光宗時追贈尙寶卿有玉馬軒步邱綠

庚籤卷十九

九

屋遊霞繼亭等集

田按日可與兄友可妍精選理然不能名家以直諫
著

朱長倩初度

年少佳公子翩翩擬過秦僊人王子音此日是前身

李春熙一首

春熙字皦如建甯人萬厯戊戌進士除太平推官降
徐州州判遷雲南推官改肇慶入爲刑部主事改彰
德推官遷南戶部主事進郎中有元居集九卷

月夜登九華

行入九華麓片片雲霞集絕壑抱仙源石門流水急

劉世教一首

世教字少彝海鹽人萬厯庚子舉人官閩清知縣有
研寶齋集

相逐

籃輿相逐莫愁家絕勝江干問浣紗似似折殘佐霸柳若爲
重對白門花行雲故合聞歌駐纖月偏宜照舞斜翻訝鐘聲
長樂近忍教新旭散林鴉

王嗣適一首

嗣適字右仲鄞人萬厯庚子舉人官涪州知州有密
娛齋集

徧陽道中

去歲傷秋潦洪波尙淼然鷗桑栖水蛤廢里過江船澤國人

庚籤卷十九

三

煙外飢民驛路邊明霞餐不得淚眼向高天

顧雲鴻二首

雲鴻字朗仲崑山人萬厯庚子舉人

馮舒懷舊集朗仲爲人清介特立少而讀書以四兒
周其身堆書及棟埋頭其中累月不出戶憶童子
時就家塾君過先府君話竟日見子讀左氏傳指首
簡爲言先經起義後經終事之說甚詳是時君鬢鬢
已白形骸肅然出物外如在目矣

還山

早得滄洲趣今償歧路辛風塵清噩夢天地乞閒身白水微
新約青山泥故人此中堪自主吾始得吾真

卽事


山腰未雨雲先溼湖面無風水自波一覺虛齋人事少重陰

高樹晚涼多

袁國棟 田賦

庚籤卷十九

壬



明詩紀事

貴陽陳 田輯

庚籤

張以誠 一首

以誠字君一松江華亭人萬曆辛丑第一人及第授
修撰歷中允遷諭德有酌春堂集十卷

田按君一南安太守嗣四世孫有送同年佐南安詩
云儂家王祖守茲鄉至今祠宇梅花傍以弼守南安
有遺愛也

涿水曲

香煖金隄時湛淡春塘溢已送行臺花復倒高樓日

王衡 七首

庚籤卷二十

王衡字辰玉太倉州人大學士錫爵子萬曆辛丑第二
人及第授編修有緜山先生集二十七卷

唐時升三易集辰玉詩超然埃壘之表
婁堅學古緒言辰玉少喜為詩初若不拘拘而卒與

之合要歸於刻露驗發非苟然也
高出三吳集辰玉詩清新潔淨踴越激楚而韻和情

芳卒歸諸雅
龍性堂詩話辰玉不以詩名袁小修日記稱於極樂

寺中見辰玉題壁二律中有雪中烏乳分齋鉢月下
僧歸及梵鐘又寒燈貝業翻香盡春樹簷花坐語會

為佳境又稱其臨池道媚妙絕知名下無不可也
田按江陵以鼎甲私其子辰玉自有才非懋修等倫

也辰玉萬曆戊子領順天鄉試解出黃葵陽之門時
太倉居政府言者攻之亦牽連以走太倉倉趙汝師

齟齬汝師氣節蓋世仕登揆席太倉尼之葵陽附和
太倉幾幸以進兩敗俱傷可歎也辰玉越十年始登

第有詩云彩雲重擁王階前朱繭雙懸御墨鮮偶爾
功名三詔合如聞姓字六宮傳僕從殘骨枯中貴色

借娥眉怨裏妍顛倒十年京國夢一時回首杏花簾
未能忘情於十年不字也辰玉才品在當時可與屠

長卿伯仲
一賦詩并北征裳

王岡伯君子亭中觀射

朝來較騎城西場
驛弓在臂矢在房
羸牙未轉軍士散
走向王家看射堂
射堂西風樹索索
人面生冰馬毛薄
綠鞵蒼頭釋棚坐
鞵韜才官抱韉躍
餘飲石猶激昂神
臂當弦故前卻青
天白羽相蕩磨歘
然一點銀錢落提
錢上堂聲氣揚鳴
鉦伐鼓稱兕觥大
呼酒灑壯士膽翻
飛走馬誇身強鷓
鴒脂瑩孟勞綠龜
龍金錯昆吾黃二
矛重喬舞頓挫曼
胡十隊趨低昂義
烏健兒勇投石淮
南劍客技奪場老
拳納袖半甲子今
日未能禁拍張等
閒不肯賭勝負與
君慷慨論興亡憶
昔旌旗滿寓縣腥
風夜挾鯨鯢戰紛
披半海樓船兵痛
哭登陴

庚籤卷二十

二

兒女面幕前干櫓
造次增市中卒伍
倉皇變吁嗟爾汝
兵燹餘辛苦東南
眼中見幾十年來
臥戰鼓意氣虛彎
六鈞弩赤手難搜
都護營熱心暫走
尙書府尙書世受
龍虎韜大兒昂藏
參馬曹盾鼻文章
賤于土蟪胸甲胃
光如刀桑弧未了
男子事銅柱敢許
書生標君看此輩
辦賊否誰爲將之
東射潮

登北固

悠然眺平楚
暝色自江來
石有三分恨
煙銷六代才
暮城星火雜
斷壁雨風開
猶記題封字
沈吟日暮回
手勸綠鞵蒼頭
賤來詠非幻
上人詩清能沁
骨漫賦以贈
承韉軍士
嫌表向休公
賈餘勇猶敵
孟襄陽下語
理不厭無言
興爾長蒼
荀參朝靜菩
提結夏涼
借君清一掬
浣我北征裳

大內蓮花

西山青落影娥池仗外芙蓉入照時薄雨未消初日暈晚風
欲語向人枝六宮香粉流紅膩三殿浮涼湛綠漪的的夜舒
人不見集靈臺畔露華知

賦七澤漁人

水國秋清墜露濃漁舟點點亂芙蓉釣裘七澤誰圖畫種橋
千頭已素封魚信拍潮江氣白鷗羣弄雨暮煙重汀洲誰意
蘆花棹聽瑟湘潭第幾峯

夏日園居酬阿伯

五陵裘馬厭經過仁可書闕隱薜蘿歲月不來看燕去荼蘼
開到奈花何青天樹遠銅駝闕細雨煙深白鷺衰盡說牆東

庚籤卷二十

三

堪避世漁樵滿眼笑風波

送王崑崙遊五臺

歇馬先參柏子禪白頭行腳趙州緣無端故國蒹葭夢又在

邯鄲酒市邊

千頭曾可前二首

不因林可前字退如石首人萬曆辛丑第三人及第授編修

有且孺堂集

袁宏道蕭碧堂集退如詩清新微婉不以簡傷其氣
不以法撓其才
田按退如與雷何思步趨公安中郎所請函蓋合而
水乳契者也

悶坐報蔡宏甫館長至亟豈非也戲寄

風翻芍藥雨三花細雨新晴早放衙卻笑兒童虛擁箒蔡經

容易到人家

送客

麋麋隄柳拂車塵一向西川一向秦
路過鄉園應繫馬瀟湘春色正愁人

熊明遇一首

明遇字子良進賢人萬曆辛丑進士
除長興知縣徵授禮部主事擢兵科給事中
出為福建僉事遷陝西叅議召授尙寶
少卿歷太僕少卿右僉都御史兵部
侍郎拜南刑部尙書改兵部有綠雪樓集

偶讀邊報各賦九塞一首

錄一

漢武英雄畧羌胡兩截分玉關連斥堠
張掖變耕耘茶茷通

庚籤卷二十一

四

西遠軍書直北殷龍堆天日外豺虎自為羣

甘肅

鄭以偉一首

以偉字子器上饒人萬曆辛丑進士
改庶吉士授檢討歷贊善諭德庶子少詹事
遷禮部侍郎忤歸崇禎初起禮部尙書
兼東閣大學士入參機務贈太子

太保諡文恪有靈山藏集

袁君弘西江詩話文恪有靈山藏集
靈山在廣信城西北有七十二峯
高七千餘丈文恪詩云靈山七十

谷五峯二面生奇峯如琢亦如削
或開玉芙蓉

田按明代閣臣類出翰林文恪優於
詞章而票擬非其所長嘗曰吾富於
萬卷著於數行章疏中有何況

二字誤以為人答擬信提問帝駭
改始悟自是詞臣為帝所輕遂有
館員須歷推知之論而閣臣不專用
翰林矣

題鯉洋

鯉洋堪入龍眠畫更恐幽深圖不窮
菰蒲釣艇雨聲外橋柳人家煙影中
經年憶此江水綠有客未返山花紅
京邸裁書寄小院庭柯無恙予將東

雷思霈二首

思霈字何思夷陵州人萬曆辛丑進士改庶吉士授

檢討有百衲閣歲星堂集

吾谷

鍾惺隱秀軒集先生嘗自云不泥古學不蹈前良自然之性一往奔詣
列朝詩集何思與袁氏兄弟善當公安掃除俗學沿襲其風流信心放筆以刊落抹撥爲能事而不知約之以禮

春興

消得天厨書幾緘朝朝騎馬看煙嵐
三年半在香山寺十月

庚籤卷二十

五

曾探滴水巖滿井北游春淡淡渾河西上石嶸嶸松風獨愛

陶貞白官是蓬萊最後銜

蝦蟆培

袁宏怪石驚三峽陸羽茶經品四泉如此江山須領畧及秋

吾欲賦歸田

劉永澄二首

永澄字靜之寶應人萬曆辛丑進士除順天教授歷

國子學正遷兵部主事有練江集八卷

晉小

田按靜之留意當代典章凡名臣言行六曹職掌九邊阨塞形勝兵農錢穀之數靡所不究會雷震郊壇火詔具修省事例晉江李廷機攝宗伯事靜之晉江所取士也因奏記曰災異下詔必求直言自漢唐宋以及我祖宗未有改也茲一切報罷中外傳之帝冊載之謂清時有防口之禁甚求美談昔憲宗皇帝卽

八家

駢字

位下詔求言之意稍未懇切當時輔導非人識者業有遺議後萬安劉吉爲相惡聞人言災異詔中不及朝政鄒汝愚疏論之炳烈千古然則塞諤諤之門務爲老師報主計無如請老師問言路者晉江得書默然歸德沈相國雅知靜之嘗各以出處之際靜之答曰君子處小人之道莫備於易之夬有以君子顯斤小人而徐圖其後者爻之若濡是也有以君子顯斤爲隱狄仁傑行之於張昌宗輩從後之道爲直爲顯也夫九齡行之於李林甫二者操術不同其爲君子一耳故君子雖不逆小人之詐而必不肯墮小人之奸雖不屑倖倖以博名高而亦不肯混混以晦已志清議直筆雖有俟於將來心術隱微自當暴於天下若徒泥用晦之智期微罪之行卽乞身未必得而非天下萬世安能遺其迹而盡諒其心哉然此時又非不欲去之患不得去之患也非勇退之難退而不失其道之難也我朝劉文靖謝文正及近日王山陰皆侃侃諤諤退不踰時趙蘭溪則病疏累數十上而不獲請豈前三君子見知之淺而蘭溪結主之深哉三君子能苦口犯顏而蘭溪不能故也進退之機亦可見於

庚籤卷二十

六

宿文起竹陰齋中

濟勝元無具尋幽只爲君千峯天半起一榻竹邊分密樹傳清籟虛堂宿野雲廿年稱道義不在細論文

楊村

樹裏橫樞出沙間蔓草斜秋聲高入雁河勢曲盤蛇場稼億千東溪茅三兩家望中無限量數點覓林鴉

楊師孔一首

師孔字願之一字冷然貴州衛人萬曆辛丑進士除

山陰知縣遷戶部主事改順天教授降昌平學正遷國子學正進工部主事歷員外郎中出爲雲南僉事

進參議遷浙江參政有秀野堂集

王思任季重集冷然有問梅射虎避暑聽泉塵香澤畔等詩而題之曰秀野堂集大抵清貴落字高古決格華亮取響岑孟錢劉之倫也黃汝亨寓林集冷然胸中饒有勝情瀉之筆端佳句自集殷璠所云神來情來嚴滄浪謂盛唐諸人惟在興趣豈不然哉
露書楊冷然詩十種皆清新有韻
田按冷然詩瀟灑出塵不染當時氣習

由長陵至西山作

一官能有暇數日踏花行對酒寫山意逢僧問寺名風驚松鶴夢潮靜木魚聲爲遊遊人跡雙柑獨聽鶯

馬底過秦處百里

庚籤卷二十

七

客程愁馬底風磴許緩知路仄溪流折峯高日上遲崩雲飛化石倒樹寄生枝猶有秦時鳥傳聲故自奇

一官俞彥二首

由彥字仲茅一字容自上元人原籍太倉萬歷辛丑進士授

兵部主事歷員外遷光祿少卿謫夷陵知州遷南兵

部主事有近樂府

靜志居詩話少卿擬樂府自南北朝入亦是解人第篇幅稍長輒未合古此韓退之所云不造其堂不啻其蔽者也

金陵詩徵少卿謂隆慶以後詩文如四目蒙供九頭妖鳥推詞則染指者少猶不失本來面目王阮亭云少卿寫無可如何之況可謂非非想僕嘗與鄉程村論近代詞人斷當以少卿爲當行第一田拔仲茅樂府得張文昌白太傅遺意

賣兒謠

長者子與我麀盈數升攜兒歸兒別母抱兒唬出門去牽父
衣母先絕父斯須死亦不惡君不見官府催租烈於火今年
不死飢明年催租來殺我

戰雒南

戰雒南一賊十千數已多賊多賊多君奈何莫學中都窮罪
弁借人頭顱說征戰莫學南州猛使君掩人勞勩誇功勩驅
民爲賊何太易千尺流丸下便地驅賊爲民何大難雨落上

天泉歸山

陳勳 三首

勳字元凱閩人萬曆辛丑進士除南京武學教授就
遷國子助教改戶部主事進本部郎中遷紹興知府

庚籤卷二十一

八

未任卒有元凱集四十卷

四庫總目勳爲鄭善夫外曾孫其辨香有自故雖無傑
構而尙有典型

朱國禎湧幢小品元凱謝病歸終日周戶卻掃嘗一
至烏石山間客聲卽走談佳山水心輒動畏答輒不
往其友董見龍嘲曰世皆如子直須以環堵爲天地

天泉精 卽日月山川皆爲空設矣大笑不爲意指庭間花石
瓦水益曰此非吾之玉嶽江湖耶其意趣如此雖不
足爲精 出戶庭日指搯筆硯間有以自遣其拈筆造次必揮
言不爲近語詩入唐人室字與畫皆精妙人寶貴之
矣嘗人 田按元凱詩語蘊藉似其爲人

端居深結夏水木澹清光

兩外坐微月中聞好香事緣身
病減懶與世情妨那復除諸累逍遙咏老莊

將行對酒復聽歌况值征鴻雪裏過歧路自傷爲客久離情

將行對酒復聽歌况值征鴻雪裏過歧路自傷爲客久離情

偏覺故人多楓林回首山當驛柳色驚心春渡河誰念素衣
今盡染風塵歲月恐蹉跎

雞鳴寺

秣陵佳麗憶當年縹緲城邊得梵筵雲捧法輪依帝座樹淨
香閣出人天三春花雨江南思六代精靈日暮煙半醉遊人
山下去啼鳥垂柳白門前

徐禎稷

禎稷字叔開松江華亭人萬曆辛丑進士除刑部主
事歷員外郎中出為夔州知府遷四川副使致仕起
浙江副使有餘齋集

靜志居詩話叔開清門廉吏比於胡威父子其在夔
府寄書家中附詩云寄語機雲山下水出山仍似在

庚籤卷二十

九

山清蓋入蜀之後詩尤深婉如千盤白鶴雲中路三
暮黃牛峽口船臥閣秋雲生白帝登臺春雪和巴人
雲邊古堞三千雉花裏春城十萬家水白瞿塘聞榜
柁雨晴赤甲見桑麻入春江勢疑吞郭一兩山光盡
到樓天未雁稀秋色盡山家橘熟夜霜清新發雨後
瞿塘路獨雁風前故國心俱滿灑夜塵
松風餘韻先生未刻詩有荆華館草白雲草莖華亭
草皆自作小序而屬陸古塘訂定者余從裔孫某處
錄而藏之摘如寺古雲藏樹天晴山到樓一亭含
樹石四面受湖山海濤平吞月江波小作波草閣茶
煙細蘿關鶴夢深不堪江上離人夜偏是天涯好月
時暮景畫船回掉處好風歌閣卷簾時千里烽煙連
香閣出野燒三更鼓亂砧聲雄圖已盡碑猶在仙島無書
鶴自回皆小長蘆詩話所未及

秋夜

海別青山入帝都西風苦雨憶江鱸徒聞金幣輪中帑欲問
麟鳳半五湖戎馬頻年生瀚海商羊六月沼東吳清秋燈火
渾無賴擬草持盃帝鑑圖

春寒

不見一花發，坐令三月殘。長風飛亂雨，滿意作春寒。

白帝城

白帝雄圖盡，遺宮草樹荒。數間香火處，曾是漢西堂。

聽西內鼓樂吶喊

水殿仙韶徹，帝都六龍飛。處動山呼太平天子方，行樂何事

監門欲獻圖

馮奕垣

奕垣字弱璧，南海人。萬曆辛丑進士，改庶吉士，授湖

廣道御史，贈光祿少卿。

思鄉

庚籤卷二十一

細雨軒窗溼，微風枕簟涼。夢魂不知道，夜夜到家鄉。

董光宏

光宏字君謨，鄞人。萬曆辛丑進士，除刑部主事，歷員

外郎，中出為河南僉事，歷參議，副使，參政，陝西按察

使，門裕使，江西布政使，入為順天府尹，遷大理卿，加兵部侍

郎，致仕。有秋水閣墨副九卷。

彭城弔古樂原賦

曠望寒雲，故壘平亂山。迢遞入荒城，前朝蹟。認魚龍國，霸畧

雄分草木，兵飛雨似留歌。楚淚濁河，猶帶戰秦聲。古今不盡

興亡，恨落日啼鴉，總是情。

蔡善繼

一首

善繼字伯達烏程人萬曆辛丑進士除莆田知縣改香山入爲工部主事遷員外改南兵部出爲泉州知府遷福建副使歷廣東參政湖廣按察使進湖廣布政使改福建有去去齋集

送心厂上人攜經入峩眉并柬石機師

無住禪心到處安一囊經卷一蒲團二春苔雪花初放五月峩眉雪尙寒途路似從天上去山河應傍掌中看不嫌塵海重攜錫慧遠東林席未殘

弔孫太初墓

采菊攜椒薦一卮挂瓢堂近隱君祠寒雲長護青山骨老衲猶藏破壁詩人爲紫芝仍娶婦天教伯道竟無兒還丹不死

庚籤卷二十

十一

終難信絕代風流是我師

袁懋謙一首

懋謙字吉卿豐城人萬曆辛丑進士改庶吉士授兵

科給事中有虎溪詩選

蘇雲卿祠

浮雲何澹蕩空水足留連一夜東湖雨春蔬綠可憐鑿坏辭後載抱甕想前賢寂寞高風遠疏楊起暮煙

宋燾一首

燾字岱倪泰安州人萬曆辛丑進士改庶吉士授浙

江憲御史以疏救姜士昌謫平定州判官天啟初贈

光祿少卿有青嵩居草

自適

卷幔對竹林塵空絕餘想池水照天青意與孤雲上

孫光裕 一首

光裕字子長嘉興人萬曆辛丑進士除建昌知縣改
固始徵授御史遷南光祿少卿有廉善堂集

述警

遼陽烽火接燕都一望凄然塞草枯
肝食漫勞諸相國秋風
驕殺五單于黃沙磧裏無遺竈
青海源頭有斷弧自是先王
征戰地鬼燐夜夜泣菰蘆

王元翰 一首

元翰字伯舉甯州人萬曆辛丑進士改庶吉士授吏

庚籤卷二十一

十一

科給事中改工科降刑部檢校再降湖廣按察司知
事遷工部主事冠帶閑住有凝翠軒詩

五 露南郊雨中別陶不遇

送爾從茲止臨歧不忍分窮途期共立薄宦復離羣野水幾
平樹前山盡沒雲艱危如得句早付片鴻聞

蕭丁泰 一首

丁泰字吉南漢陽人祭酒良有子萬曆辛丑進士除
行人遷兵部主事歷員外郎中出爲浙江參政歷陝

西按察使遷山西布政使改陝西貴州

江城夜泊

舍楫傍高城殘燈欲二更深杯不成醉獨坐有餘清水落蛟

龍蟄沙寒雁鴛驚隔江何處寺隱隱度鐘聲

侯正鵠二首

正鵠字仲鵠鄆城人萬曆辛丑進士累官漢中知府
有亦詠草交聲集

戲贈人得姬

武陵溪畔女學貼漢宮黃隔岸桃花語教儂若個粧

歷下送客

一樽酒盡灤門孤城上遙啼隔水烏落盡渚蓮人不在西風
愁殺大明湖

寄張瑞陽

買醉胡姬日未曛夢回猶惜晴湖雲山城夜雨梅花綠拾得

庚籤卷二十

三

春來好贈君

